



458



金華黃先生文集

+

Inches



Centimetres

TIFFEN Color Control Patches

© The Tiffen Company, 2007

Blue

Cyan

Green

Yellow


Red


Magenta

White

3/Color

Black





金華黃先生文集卷第三十四

續纂三十一

墓誌銘

項可立墓誌銘

門人編次

予為項君可立銘其大父墓後六年而君卒又九年而墓又三年而君之子師周始以狀走京師問銘于予會予方有史事及得謝而歸又主年乃克為之君姓項氏諱詢可立字也其先自台之仙居徙溫之永嘉後復自永嘉徙台之臨海臨海故為章安縣今所居章安縣即舊縣所治也五世祖璣高祖惠曾祖駟當宋南渡初遭時多故並隱弗仕大父良材鄉貢進士予所為作銘者也妣瞿氏張氏父鼎迪功郎蜀郡虞公集銘其墓妣毛氏田迪功而上考諸前銘可見已初君之大父有德于里中人至今思之國兵南伐偶為卒所得將刺及焉忽撓而曲易

以他及復然卒駁曰此天所保護必有積德後當生好人遂舍
之而去及君之生質貌魁偉自少個儻尚氣皆與大父類人以
為好人之驗稍長卓然有志于古不妄與人交所造詣必一時
名人嘗為詩持以謁天游陳先生字一見稱其善學李長吉君
蓋未之學時暗與之合耳時君甫弱冠天游謂曰子固他日之
善鳴者觀其羊茸闌婉若明金翠羽流麗雲屏能稍加鞭辟入
於義理則其緣飾萬物之情當變而為鏗鏘清廟之音矣遂介
之見此廬翁先生森又介此廬見石堂陳先生天瑞而卒業焉
既而歸讀書于嵩隱嵩隱者五世祖德處也去家僅一里所由
山麓緣綫路上絕確柴石扉而入群峰環合中更平衍清池方
竹超然如在世外四方士友及里中子弟負笈而至者傾所儲
以給之無少厭歲飢人多採草根木皮以食有虎出為害君移

文誦山神而逐之是夕虎至舍外據地大吼風震撼崖石併
落少選聲漸悲俄悄然無聞開戶視之屏迹去矣君歲修游息
于其間者十年于書無不讀而為好經學謂聖人好六經始以
明人論干道之常終以扶世教于道之變易首乾坤先陽後陰
君臣之常道正矣終于濟未則陰陽失位非變乎書始于二典
堯之遜位于舜君道之正也終以秦誓繼王者之誓非變乎詩
始于二南周之以服事殷非道之正也終以魯頌繼天子之頌
非變乎至于禮壞樂崩則春秋不得不作首書元年春王正月
正始也未書西狩獲麟示變也聖人之示變于其終所以俟後
聖復常道于已變也又以為六經之有春秋修道立教之義剖
斷始明尤致意焉延祐初有 詔著取士令郡縣起居就試
于鄉闈而君雅不喜效新進之士作科場語以求合有司繩尺

故屢試而屢却未始以得失為欣戚也君素為吳越間學者所
敬服爭奉禮幣迎致而師事之久容于外行橐所有悉送于家
以具甘旨一毫不敢私達官大人有欲薦之于朝者辭以丹老
不可遠遊而止季弟某從君久遊既壯為之授室其費一以身
任之永康胡先生長孺號廉介休官而家益貧寓杭之青蓮佛
舍以歿君夙為所獎重經紀其喪事甚力哀輯其遺文將刻梓
以行而未果也中歲不踐場屋歸侍親庭杜門不出遇風曰清
美間與一二勝流盤礴金鼉峰上而寄情于漁釣人或繪為金
鰲釣隱圖其歆慕之如此嘗患渴竟以其疾至于大故君生于
前至元戊寅某月某日甲子卒于後至元戊寅五月丙午享年
六十有一臨將屬纊神色不亂語師周曰吾與爾永訣矣吾母
垂曰在堂而不得盡終養之孝爾年甫及成童而不盡撫育之

恩吾既為明時棄物以就磨滅爾當竭力奉吾母以及爾母厲
志于學以無忝前人勉乎哉傷乎哉言訖而逝母哭之慟絕而
蘇弔者皆哭盡哀俟殮畢乃選娶王氏後十年卒于男一人即
師周陳氏出也女二人適王光讓黃應驄師周卜宅兆于臨海
保樂鄉安仁里鳳山五世祖墓之側以至正七年冬十一月已
卯奉君柩葬焉君所著有春秋纂義二十卷詩文若干卷藏于
家君歿師周年纔十五凡狀所述多質于君仲弟某而得之也
予與君為文字交非一日君生後于予而先予死予之庸謏諱
蒼固不足任吾友不朽之託然以師周不遠四千里奉君治命
而來有請業已心許之安可無以存掛飯之義乎銘以慰君亦
以慰其嗣人云爾銘曰
天之生物其成實難胡底于成而卒棄捐有木于斯植彼中野

由其萌芽至于把拱沐浴時雨膏液也豐行柯布葉干雲蔽空
人指其材可梁可棟工師眈焉乃不有中委而弗取老于丘園
斧斤所斫山林之尊不侈其逢寧不謂命保茲歲寒順受其正
于嗟乎君不幸類之全夫天年何成何虧鳳山之原墓草既宿
輟哭書辭用慰幽躅

呂府君墓誌銘

府君諱汲字仲修姓呂氏子娶為著姓而非一族人因以其所
居地望為別居永康縣之太平鄉者號為太平呂氏宋之中葉
有以經學教授于里中者曰遵遵之子曰質質之子曰迪功郎
師愈仇家構飛語中其長子約而連及之父子同時與龍川陳
公俱下天獄次子皓先以賑濟受知倉使宋文公奏補郡文學
用漕薦再上春官時年二十有四叩匭上書乞納所得官贖父

兄罪丞白無例孝宗正色曰義事安用例立命出之緣坐得釋
者五十餘人幼子源是為府君五世祖累贈通直郎高祖諱介
曾祖諱羔皆承辭郎祖諱堃承信郎父諱懋成淳間嘗與計偕
試禮部入 皇朝版授知永康縣至元十五年也母何氏知
樞密院兼參知政事夢然之從孫女府君少嗜學至老不懈讀
書務窮理而于百家數術靡不旁通其說平居致養于親為具
必豐族人不能自食者月有廩年當入學者家有塾列為成規
守而不廢子女婚嫁必擇故家名族未嘗論財接賓友情文兼
至各盡其歡而止鄰里有急必周之歲大侵為粥食飢者所
全活以千百計至于自奉乃極簡薄衣無美飾食無珍味器用
苟完出入無僭從惟以一童挾菜自隨人望之蕭然山澤之癯
也其恭儉出于天性孝友行于家庭仁愛及于宗族御黨可見

者如此而又多材能遇事明敏所慮必中于理衆咸厭服為人排難解紛勇于赴義不以為憚里中無賴之徒或假私盜誣平民蔓延所及甚衆為之力辨于官以免人尤德之初知縣公適值南江新附官府未立毅然出任縣事而弗辭既撫定其民使無失業且為之捍衛以備非常人恃以安及朝廷置真令即奉身而退蓋志在用權以全其鄉井不藉是為進取之階也其後大盜竊發官府進討復強起之以為總導府君甫踰弱冠實預在行身踐重山密林荒昧阻絕之境而直探其巢穴事平口不言功識者推其雅量晚益務韜晦自號水西翁云前娶朱氏鄉貢進士環之女先四十七三年卒後娶趙氏參政事知資政殿大學士順孫之女先若干年卒子男三人長曰梓本伯兄之子次日權曰機皆朱氏出府君既早失內助二子又幼弱因鞠梓為

已子俾持門戶事而遂昇以知縣公西遺田宅權既長遣從鄉先生許公益之受學入華山中業成未及見于用而先府君十五年卒無子府君以繼體之重為之斬哀三年仍命以機子烜為之後而機亦先府君三年卒女二人適同邑陳至寶東陽胡道隆孫男七人熙忠燧烟燁烜煥女四人曾孫男六人女九人府君生于宋咸淳四年戊辰閏月三日巳外卒于今至正六年年丙戌二月三日壬子享年七十有九諸孫以其年十一月三十日癸酉奉柩合塋于東陽縣西部鄉西郭先室朱氏之墓而以狀來謁銘昔歐陽子有言為善無不報而遲速有時予觀水心葉公銘迪功之墓曰治生能富教子能賢後溪劉公銘通直之墓曰宗族稱其孝友鄉黨敬其仁義蓋呂氏之積累其來久矣至府君家益昌而其材又有足用者苟出其緒餘稍自見于

世宜不止為一鄉之善士而已。願乃歛藏弗耀而優游以卒歲。豈不曰為善之報自有其時乎。府君二子雖早世而孫曾蕃衍。生今昭代必有能自致顯庸而大亢其宗者。為之銘以勗之。且以俟也。銘曰

有伏必興斯理之常。惟德之厚其流乃光。于嗟府君隱居行義。施澤于人而不有位。保其世德望于一鄉。繩繩子孫積善之祥。亦既有子胡又天。閱百年之積蓄而不發。是繼是述在其孫曾。尚克有聞。天寵是承。地思所加。責及寔空。惟銘可徵。勒此

貞石

富陽朱君墓誌銘

富陽江沂流西行三十里。東山之下有隱君子曰朱君。既歿且莖。其孫天麟以父命奉先友卿。貢進士陳君祀。所為狀請文為

銘。按狀君諱伯清。字源之。世為杭之富陽人。曾大父安禮。大父
璘。父起南。俱隱德弗耀。君少無他嗜。好唯讀書。至忘寢食。群居
論說。務以道義相切磨。不專取為舉子業也。叔父起渭。調太平
當塗尉。携以謁郡守高侍。即衡孫侍。即前輩。慎許可見。君丰姿
秀整。叩以所學。甚器重之。會科舉事。發君。因得肆其力于聖賢
之遺言。所為詩文。益就平實。平居訓其家以儉。而于周人之急
無所靳。歲所輸二稅。恒先期畢。繼之者以有後。為耻。有鬪訟。輒
開諭之。使解去。里中賴以無事。民至有不識吏者。潁江故多盜。
聞君之風。相戒無敢犯。客舟下上。必以君為依歸。縣尹李侯。質
號剛介。罕與人接。慕君之為人。收門請見。詢政事得失。君為言
酒權及典造。願買之。病民者數事。尹施行如君言。人至今稱之。
初君所與為師友。皆知名士。後多取科第。或班朝行。君故未脫

場屋不以真欣感也又嘗與故尚書右丞葉公李同事宋太學
博士施先生南一時先生之門惟右丞年最少君察其有志氣
以語當塗府君厚遇焉已而右丞以京學生叩閣言斥時宰創
市田變楮諸新法非便得罪投漳州朋從懼莫敢省君獨往與
之訣且為具食飲服用之物俾所親送之二千里外其免歸也
君迎之江上無一語相勞苦弟勉以風節自終至元間右丞用
薦者驟居政路士爭附趨恐後君頽然若未始有雅故者右丞
念君不置數遣迎致之卒謝弗往由是終其身不有仕籍人尤
以是高之君卒于大德十年十二月某日年七十有二配吳
氏先君若干年卒泰定某年某月某日合塋于所居南三里馬
鞍山之陽子男二人長曰文韶使來請銘者也次日應申已卒
孫男四人天驥天驥天驥天驥曾孫男九人女四人銘曰

有往而弗返莫予過也有發而弗舒莫予竭也茲昔賢之細事
世駭以為潔也幽幽其潛昭昭其晰也陵耶谷耶不尚有揭也

鄭胡君墓誌銘

鄭胡君以至治二年六月甲午卒年七十有三其又明年某月
某日塋城西南六十里亭嶺下前事諸孤哀經哭奉董生復禮
之狀踵門再拜請文為銘予為之答拜且辭則又再拜固以請
乃次而銘之按狀君諱珙字怡玉本費氏子生七年後胡氏胡
氏自君之曾大父祖季大父桂發父德潤皆未有任籍至君始
以材見推擇為郡列曹掾非其好也用久次司郡倉積勞當序
遷輒棄不就其居家奉母孝率子弟治田廬生產悉有法有餘
財未嘗資以為俚俗華靡豪縱事尊官顯人慕而與之交不肯
為翁翁熟然于故舊煦煦有恩歲時問巷相過雖賤夫幼童必

疏跋然與為禮有疑其矯飾者迨君病革姻黨朋從來候問度且弗起咸有戚色君曠息垂絕猶舉手加額曰惶恐惶恐疑者乃釋然服其出于至誠君平生無他好玩獨嗜蓄古法書名畫持以售者歸其直累百金無所靳晚益聚書構精舍小溪上延師儒教諸孫為舉子業塋地實在其西十里君所自辨定也蓋君子管郭之學甚速云君娶鍾氏子男六人曰元堅曰元厘曰元益曰元基曰元堂曰元圭女一人未笄孫男十有三人鏞鑑鎮鈞錡銘鉅鑄鎡銳錫鉛鉸女十人婿曰俞祖錫張景松餘在室曾孫男二人宏翁與翁嗚呼予聞有隱德者必有後觀君之自信獨樂非能以利澤昭被乎人而子孫茂衍若是宜有隱德矣其所恃以為不朽者獨銘也哉銘曰

惟古宅兆眠占從違允矣胡君敏志不疑我擇我藏匪卦于著

有封斯隆有潛弗耀有斐其銘嗣人之思

蔣君墓誌銘

潛弱冠時及石先生之門聞先生當宋景定咸淳間執弟子禮者恒以百數碩生晚不得廁其列然竊心慕之先生歿十有六年而潛為諸暨州判官始識蔣君陶朱山中扣其師友之淵源則執弟子禮于先生者也君不以輩行自高言必稱同門若嘗與游與居者焉會有詔誥賜高年帛郡檄潛奉以從事潛方踏君之門而君已死將塋其子果以狀來謁銘潛不得辭按狀君諱朋龍字飛卿蔣氏由漢兗州刺史詡二十四世至唐尚書左丞冽又十七世至宋園子監主簿某監簿生處州教授頴教授生國子助教蕭助教之子曰一德君之高祖也曾祖諱嗣與祖諱允參父諱亨之皆不仕其自宜與徙越之諸暨迨君九世

矣君先娶姜氏前三十七年卒有子一人果也後娶楊氏有女
二人長適胡一中起進士為紹興錄事次適趙深孫男三人曰
某曰某為兄進武校尉純後曰某初助教君無恙時有異僧空
入其室示以八字曰傳燈佛祖涅槃會人揖而與之語弗頌而
去他日以其言驗之壽畧如瞿曇氏其歿則雙林唱滅之後一
日也自是君之祖若父得壽同歿之日又同君之死也夢其父
曰燈燈續傳不自我後不自我先寤而謂果曰吾先世之聞于
淳屠氏者固非所敢知以今之年明之日徵之殆與吾夢符吾
其逝矣即索紙筆為書與親友訣翌旦正襟危坐奄然而逝泰
定四年二月十六日也辛年八十有一莫以某年某月某日墓
在某鄉某原銘曰

自生之不齊兮寔命自天修不可強促兮短不可苟延天胡厚

君之家兮賦予之獨專死之日兮生之年一門四世兮弗後弗
先吾固知命可受兮不可傳天者之難必兮孰測其然于嗟乎
君兮尚歸夫全

青陽縣尹徐君墓誌銘

君諱彞字和甫姓徐氏其先衢州龍游人龍游之徐係出偃
王而代祀遼邈莫詳其世次君曾大父曰詛甫有隱德大父曰
克威以疾廢里豪來問兼并其家生事日削父曰進始成童能
隱忍激勵卒自奮以致克厚然喜施與又樂道人善以長者稱
初娶越邵氏因徙家蕭山之漁浦尋又徙餘杭而占籍焉繼娶
陸氏俱無子其子男二人女一人皆孀氏出君最長德祐元二
從父避兵踰濤江夜夢神人告曰趣返否且及難既寤遂西還
已而兵從東方來人皆曰天既俾徐氏有後又謹護之積善之

報將在是乎君性篤厚而遇事警敏少嗜學能為詞賦既又從師受經用舉者試吏平江精思竭力雖憊不休人或譏其過君曰事無少不可忽也軍校有不法事在郡府君視其牘議不少貸漕運官屬恃其品級已高尤恣橫凡姦私殺虐執事者率畏憚不敢竟其獄君一一具上諭如律民間以匿朱張財物多無辜坐逮者君力為辨析免男女為奴婢者若干人憲府以時所引用斷例不一求文學吏整比之君定自中統訖大德為之綱目條分理貫簡而易求約而可守覽者便之既書滿行中書省署君歸安縣典史白雲宗僧沈某冒名爵凌官府有悟其意者兩人將真之死地兩人之怨家私鄰女不得殺以滅口棄尸桑林中事覺陰使他辭引兩人傳致其罪君將直其寃吏持不可曰此沈公意孰敢拒也君盡立群吏于前語之曰吾能死不能

濫殺以求媚于人會使者行部君卒白出之沈之徒有僧某者通民婦為其夫所擊歐而銜之適有遭劫殺者賊弗得僧為飛書誣其夫及有他怨隙者七人故以書墮羅卒家七人中或以罪黜卒得之曰此譬跡也因捕治不疑君察其寃而七人者皆卒寃莫敢易辭君命去其桎械始垂泣自言今以左驗已具難之君服弊衣佯為賣卜至其處悉得七人以已物實贖狀取其家餘絲布數并析縷以無不合釜竈及他物存者又合僧乃服罪七人者得直已而獲真賊于武康人始歎服焉縣獄舊有男以醉死弟自經死誣平人者獄已成君親為訪求其實悉生之鄰縣安吉有逐其妻之子而夜死于盜者意其子也巡官捕繫而煨煉成獄且他取衣物為證君為踪跡其事或驚惶以實自首乃出其子而坐巡卒及行貨者屬歲大侵君夙夜施其極

救之術凡所給宣過厚日無以法害吾仁也已代去省臺猶以
荒政護之陞平陽州提控案牘以內憂去服除遷海道都漕運
萬戶府提控案牘方運次里居而經理法行君以書論田不實役
不均之弊累數千言宰臣領其要者得書天喜俾乘傳白于行
省時列郡守咸以田事期集爭欲得君以佐其事君佐常州又
佐池州所行一如其言他郡或取法焉未幾以漕事至京師中
書奏君以九品官仍為本府提控案牘兼照磨承發架閣考漕
法利病下至占候探測著海運紀原七卷後有掠其美以自名
者非本書也尋復以漕事至京師詣都堂獻書數萬言條陳漕
運之弊當更張者事十執政得書移行省用其七至今賴之久
之以職官入福建帥幕由令史為提控采列郡圖籍撰福建總
目若干卷用例授將仕佐郎建德路總管府知事言當世宜急

行者其要有六府上其事轉達于中書雖不報而隱然用其說
人或指之曰是徐某所嘗言者時朝廷方選用重臣宣撫兩浙
江東君據時政闕失開大體者為九策以獻會其使還他官不
果行用覃恩授承事郎池州路青陽縣尹為治專務教養其民
縣人方某為割地以廣學宮章某為捐貲以建惠民局有司歲徵
民輸荒田租為田千四百頃縣人甚苦之君寬為之限民墾
闢教以修坊置閘而覈見申歸其實行視他民田之阻山瀕江
者俾因地勢為蓄泄以備旱澇歲飢則報已俸倡眾以濟之民
有告四十人同於其廩粟者吏欲准強盜論君曰吾方憂其死
而食之彼乃以求生而抵重禁當用法外意可也悉答而遣之
旁郡事類此而有瘦死者憲府聞君議召其長吏切責焉隣縣
銅陵人爭魚池三十年君數語而決尤以是知于上官滿代而

歸留君吳之閩門無復仕進意結廬植松竹日與賓客觴酒賦詩或乘興獨往徜徉山水間自號可道人元統元年六月忽構疾諸子懼或請禱君止之曰吾猶未也果有異則止藥弗服時是矣已而有廖久之乃以病命止藥作遺書及戒其子佛事不必作親舊致賻不可受須史端坐言曰年六十五不為天官正七品不為小得車而斃馬章來言訖而逝十月六日也享年六十有五娶謝氏先二十九年卒繼潘氏子男五人曰震餘杭縣學教諭曰恒出後德清鍾氏曰濟曰孚曰良紹興和靜書院山長女一人適章光祖孫男五人思誠思恭思溫思義思文女五人俱未行震等遵浴命以某年十一月某日歸塋錢唐石屋鄉先墓之後初君未及仕而父沒哀慟至頓絕母氏卒于官弟晉亨以憂病感君曲盡調護之力焉君讀書務以致用不屑屑

于章句作詩善體物寫情凡所著有端本書忠報錄自警錄可抄書各一卷歷任集二卷集效方三卷及家譜詩集並藏于家史學大綱紙獄比事各十卷行于世而所謂海運紀原福建總錄皆列于官書予方樂聞君行事而良以狀來謁銘敢不諾銘曰

儒者之效久矣弗白矯矯徐君秉茲諒直施于有政藹然厥績胡不卒施而有遺策用銘告哀勒表玄宅

應中甫墓誌銘

中甫應氏諱本中甫其字也宋南渡時六世祖確由汴徙錢唐因家焉父普受知淮閩事公處芝補建武校尉宋亡李公死遂輟晦不復出中甫生而秀異稍長能自植立治家務勤儉與朋友交以信好為人排難釋紛而軫恤孤寡人以此稱之始中甫

與予同年進士前史官揚公載共學明于禮春秋喜為歌詩頗有志于官進而弗遂年甫三十趙魏公以集賢直學士提舉江湖儒學辟主教仁和縣辭不就後游京師集賢大學士王文定公力薦于朝年已六十無意于仕進歸隱西湖上日與高人勝士徜徉山水間遇奇書必厚其植而取之所積甚富平居能自攝養筋力至老不衰手未嘗釋卷每秉燭至夜分乃寐間有所得手抄成帙善鑒定古書畫一時名人咸服其精旁通數術方技而最深于醫晚遂混迹于藥市至正九年七月二十八日卒于海昌之寓享年七十有八以其年閏七月二十五日返柩塋于錢唐縣水月鄉葛嶺之原先是中甫在海昌俄一日泛舟小至錢唐徧謁親故携其甥某登葛嶺指示以所卜樂止之向背僅逾旬浹而竟不起屬纊之際神思不亂屏去婦人惟留諸

子侍側告以平生俯仰無媿即死汝輩慎勿徇俚俗追薦之說也語畢而逝娶朱氏子男四人才兩預鄉貢用特恩授嘉興路儒學正偉嘉興路總管府司吏貞晉陵縣儒學教諭毅仁和縣醫學教諭女二人適張天麟俞仁榮孫男五人女四人中甫所著有三家禮範辨一卷注春秋世紀一卷五七言律詩五卷集驗方一卷人多傳之蓋甫素峭直寡合不屑苟售然為于教子及見其成而身食其報祿雖未豐所養者志既壽而康遂以考終亦可無憾矣予獲締交于中甫甚久才也又辱從予游中甫之歿也予方告老將退休于田里使者以台還之命追及予于錢唐敦迫就道無從申總惟之一慟而木也既走造予傳舍奉中甫治命以銘為請哀朽荒疎不足任付託頌義不得辭銘曰生也直疇于人積也厚燕及于子孫無悔無尤卒歲優游銘以

焯于幽

處州路儒學教授致仕王君墓誌銘

君姓王氏名某字則之後即其字以為名處州麗水縣人也曾祖德昭祖仲達父君舉俱弗仕宋咸淳未君甫弱冠試鄉郡待補太學諸生德祐元二太學事廢更悉弃故所習舉子業歸讀書山中為道德性命之說殊無仕進意至元三十年部使者秋公桂始起君為縉雲縣教諭遷處州路學錄陞蘭溪州學正用累考及格上名吏部而君遽以休致為請授將任佐卽處州路儒學教授致仕至治二年也于是君之子釋亦以儒學官借補潮州揭陽縣湖口巡檢命下之日父子皆公服前後置褥位堂闕謝間里以為榮會釋已迫成期有司給驛券俾就道釋以君年高久未忍去君語之曰吾家本寒儒未嘗為國家效分寸之

勞而一門之中叨蒙誤恩如此願吾已老矣其行矣第思報稱無以吾為念也釋至揭陽歲餘而歸不一月君屬疾甫數日遂不起聞卷之人又莫不深哀之娶潘氏子男二人長即釋次某女二人劉某趙某其婿也孫男女各二人君之在縉雲愛其山水之勝因家焉晚復築室城東關地引泉樹佳花美竹日與學者游息其間以詠歌先生之道其地有忘歸臺君倦憇臺上謂釋曰吾死必歸吾骨于是釋識謹之君既卒以治命奉柩塋其廬其卒以泰定元年九月二十一日得壽七十有三塋以三年十一月某日君平生所為詩文釋方彙次成若干卷塋于家銘曰倚嗟王君與道為期出也或過其歸處也弗佚其私蟬蛻春融樂也熙熙歿吾其宣昭以銘詩

中憲大夫淮東道宣慰副使致仕王公墓誌銘

公諱良字止善姓王氏越之諸暨人曾大父諱天祐大父諱一榮俱弗仕父諱理用公貴累贈朝列大夫秘書少監都騎尉追封太原郡伯母祝氏方氏並追封太原郡君所生母厲氏贈宜人公少受業郡庠篤行勵學克自植立每慨然以康濟為志故秘書少監凌公時中為江北淮東道肅政廉訪司知事雅知公辟為書吏及遷淮南以新制南士不得入憲幕兩淮都轉運監使司書吏督辦富安場歲課場距海遠潮不時至鹽丁負水取瀆力疲而賦不充乃為相其地形鑿渠以通海潮公私咸便之考滿調將仕仕郎廬州錄事司判官淮東道宣慰使司辟為令史掌織染之事所轄官府久廢不治乃日臨視之為脩作坊募工匠至于攻金治絲設色具為區處迄今守為成法兩淮鹽綱病于運河淺澁事聞詔遣都水監官疏治之公徒分閘至淮安

之鹽城有司卸役夫三千束手以俟都水之來公言不宜坐靡日食促令興工仍立法每十夫一治炊爨九操畚鍤日所穿廣四丈修一丈深五尺比都水至河可通舟者已四十五里遂自新興五祐兩場屬于高郵次第訖功而他州役議猶未定乃俾悉用公法行之調將仕郎峽州路總管府知事入江浙行中書省為掾史會朝廷遣使復立諸市船司公從之至泉州建言苦買舊有之船以付船商則費省而工易集且可絕官吏侵欺培克之弊中書報如公言凡為船六綜省官錢五十餘萬婚升承事郎建德路建德縣尹以方郡君憂不赴服闋擢兩浙都轉運鹽使司經歷越守王公克敬以郡民苦于計口食鹽言于行省未報而王公為轉運使乃俾與新守于公九思集議咸謂宜稍損其額以紓民力沮之者率以為有成籍不可改公毅然

日民實寡而強賦多民之錢今死徒已衆願重改成籍而輕棄
民命乎且浙右大都商旅輻輳未嘗以口計也移其所賦散于
商旅之所聚何不可乎于是議咸減越益伍仟陸伯餘引俄有
旨改畀王公以湖南憲節後轉運使復排前議公以去就與之
爭丞相脫歡荅刺罕公聞之亟遣留公而議遂定被本司檄分
治浙東力除私販詎指之害按劾書吏奏差尤無良者黜之所
徵賦為錢萬六千餘緡懼而以贓自首為錢萬三千七百餘緡
丁少監公夏服闋擢海道漕運都萬戶府經歷越之官糧所入
海運者十萬石城距海十八里歲令有司拘民船以備短送舟
人為之失業不足則勒陸居之民厚直轉餉以給之程期峻急
吏胥得並緣以害民及至海次主運事者又不即受而有折閱
之患公抗言曰運戶既有官賦之直何復為是紛紛也衆莫能

奪乃責戶責自買短送之舟運艘為風所敗者例當覈實而除
其所隔之糧文移往還連數歲不絕公取吏牘躬自披閱除其
糧二十五萬二千八百餘石鈔二百五十二萬二千五百餘緡
布囊一萬九千有奇而運戶免于破家遷承務郎揚州路總管
府推官以厲宜人憂不赴服闋除江潮行中書省檢校官有詣
中書省訴松江富民羅氏包隱田土為糧一百七十餘萬石沙
蕩為鈔五百餘萬緡者乞立行大司農司勸農營田水利總管
府以糾察追收之中書移行省議擬遣官四員踏視其地而松
江獨當什九公至松江七日而歸援古證今條陳曲折以破其
妄且言其意不過欲多椿田糧蕩鈔以味

朝廷之聽而報宿怨請創設牙門為徽名爵之計耳萬一民心
動搖患生不測豈為國家培養根本又安長治之策哉同列聞

公言皆相顧失色公慮之泰然他所遣官聞公歸亦皆還行省以公言上于中書事遂寢遣廣州市舶提舉輟俸資造庫屋船舶商欣然出私錢為助不逾月而告成先是吏胥恣為姦利凡船舶貨擇其善者出而售之不善者積久不售公始為設法均配立號募商人掣籤取物庫藏為之一清居數月除江西行中書省左右司員外郎吉之安福州有小吏誣其民欺隱詭寄田租九十餘石者初止八家前後四十年株連至千餘家行省數遣官按問吏已伏其虛誣而司屬之喜功生事者復勒其民具報實有合徵之糧六百餘石憲司累撥詔條革撤莫能止也公到官首言是州之糧比元經理已增一千一百餘石豈復有所謂欺隱詭寄者乎准憲司所擬可也行省用公言悉蠲之州人相率為生祠以報撫之金溪有陸氏三先生祠豪民據其屋而

奪其田陸氏子孫三走訴于京師竟不得直公按其籍使悉歸之公所至興除利害多類此其詳見于省臺案牘及安陽韓先生國子監丞陳君旅諸公所為善政記惠政歌者不可殫述也公在江西歲餘年甫六十有六拂衣徑歸遂以中憲入夫淮東道宣慰副使致仕家食者五年扁所居室曰止齋乃自號鷄遊子以見其志云公質貌魁梧心地磊落讀書務明理以致用不苟事言說為名高弱冠時出遊錢塘與浦城楊君載廓川劉君汶反善論作詩宜取法古人之雄渾而脫去近世萎蕪之習間扶其所為文登諸大老之門最為陸山牟先生永康二胡先生吳興趙公已西鄧公所賞識公處家庭淑官臨民各盡其道平居慎重寡言故言必有中至于委蛇進退之際莫可得而瑕疵人尤以為難能公卒于至正八年正月癸亥其將終也神完

志定無異平時正冠肅容端生而逝享年七十有一以其年七月丙申墓于州東長寧鄉之龍陽聖劉氏封某郡君子男三人長仲揚用公陞為揚州路如臯縣主簿次仲廬福建道宣慰使司都元帥府令史次仲淮大寧路儒學正前卒女三人適方泗陳嘉績虞尚忠孫男十一人女七人公既墓之明年潛以久居詞林老不任事納祿而歸抵家甫一日而有召還之命于是仲楊仲廬相與謀來請文為銘而使者與仲廬至同日敦迫有嚴未遲即如其請載念納交于公逾四十年知公為深不可以遂已也乃以退直之暇追記其所可知者論次而顯詩之以遺焉銘曰

惟士先志惟官先事志不可奪事乃有濟表表王公時之偉器抱負千百出僅一二場戲而越劬躬盡瘁拾級而升不懈于位

好是正直周而不比表裏洞達初終一致古今殊時學與政異公起文儒敏于吏治詢其職業匪專撫字士飭其德民耐其惠所去見思如古循吏沒世不忘仁言之利修涂九軌方駕而稅用雖未竟志則已遂薦斯銘詩于封陔有之侶之在爾未裔

承直郎潮州路總管府孔君墓誌銘

君諱溥字世平姓孔氏先聖之四十三世曰後周曲阜今襲封

文宣公贈兵部尚書仁王又二世曰宋給事中贈太尉道輔又

二世曰提舉江南西路常平茶鹽公事中奉大夫傳南渡初自

曲阜徙衢州又二世曰迪功郎監漳州南嶽廟贈少傅行可則

君之高祖也曾祖諱從龍迪功郎祖諱應祥從政郎主管尚書

刑工部架閣文字人 皇朝隱居弗仕考諱純西安縣儒學

教諭以君貴贈承事郎濟寧路同知兗州事妣陳氏贈宜人君

幼有異質五歲知讀書八歲能屬文架閣公愛其警敏俾受業于默齋留先生間出游郡庠別駕陳公剛中大奇之年二十舉茂材異等一時名士大夫如永康胡先生吳興趙公巴西鄧公無不器重焉婦翁徐聖予從事江東憲府携君以行丞郡廬公柳城姚公前後持使者節君皆為之執弟子禮由是學益進聲譽益進用察舉署宣國路儒學錄進 朝廷著取士令延祐元年曲阜首以君充賦東平曹公子貞得君而為古文歎賞不已是歲以鄉薦上春官所對傷太直且微讖切主司竟不合用特恩補溧陽州儒學教授君既新其廟學而士多苦于徭役為白諸臺府悉蠲之七年再貢于東平未行江刺行中書省辟為掾書史務雖劇君隨事緩急閑白以行訖無所壅杭之商稅比歲不登俾君趨辦旬月而集時宰以為能而風紀之司頗欲


尋其過誤後乃察其無他事遂釋至治三年復試東平第一以泰定元年賜同進士出身用有官超授從仕郎平江路崑山州判官未上下內艱服除改吳江州判官用覃恩轉承事郎被省撤點浙東諸倉庫餘姚因仍前集糧不宿倉官吏惶駭莫知所為君知而不發使自為之所糧既充而官吏亦得自道乃皆感服君始視州事因有張甲以擅殺盜錢山坐連獄已具君謂所殺非平民幸貸其罪歲飢民多事剽刺君設計捕致數十人謂此皆迫于凍餒而然不可以強盜論杖而遣之州瀕太湖故集隸以禦水繕修無時病民特甚君為改作使可支久民力以舒水嘗暴溢君既禱于市橋移時水降人恃以無恐而四郭之外有溺死者君親收瘞焉鄰州飢憲府俾君往賑之全活甚眾御史蓋公耘夫率同院舉君治績為諸州最未報會霖潦害稼君

所檢視當免輸田租者衆使者覆按左右承風指誣君私庇之居無何誣君者以賄敗投遠方而君得調桂陽州判官天大旱禱于神弗荅而探獄有寃出其無罪者三人乃兩廣寇竊發君獨任軍旅供億而民不擾而軍食亦無乏絕州民與蠻獠雜處素號難治知州方思廣以貪虐啓其爭殺人寘弗問反加告者罪君與之辨莫能直即日解印綬去韓公德新乘康車按是州劾罷思廣勉君復留君輩騎直抵獠穴諭以禍福皆讐伏聽命人賴以安秩滿遷潮州路總管府知事用入廣陞承直卽先是君在桂陽感末疾而歸疾稍間潮州進吏至乘傳行次武林驛疾復作移寓龍山保和備舍一夕卒至正二年四月十七日也年五十有七妻徐氏封宜人子男一人思構女三人適張日新陳煥盛麟君易簣之夕惟思構及季女在側發書笥得遺訓數

十百言凡身後事區處甚具思構遵治命奉柩涉江還衢州以其年七月四日塋西安鄉孝悌里先墓之次初太尉世父既襲文宣之封五世至瑞友與中奉公同南遷由瑞友至洙襲衍聖之封者又五世至元十九年秋七月有詔令洙赴闕祭閣公以族長被命與俱中道而返洙獨入對廷議俾仍嗣襲洙力辭乃以為國子祭酒提舉浙東學校洙所居室扁曰存齋君惜其以存自號而不能欽承德意存其封爵因自稱曰存存齋云君所為詩尚後邁文渾厚不事纖巧有存存齋藁未及詮次惟闕里譜系一卷為成書君九歲時祖母黃氏有疾露者密禱乞減壽一紀以延祖母之年疾屢愈後十年乃終人謂君得年不永所禱殆有徵焉架閣公及兗州府君相繼下世弟清方孱弱君獨治喪塋祭貲產皆委而不較且接近此請授以官存齋

子崇安尹楷卒于杭君輟錢營護歸塋其子公溥暨兩女淪落
民間咸訪求得之今公溥已強而仕兩女亦各有家公溥死割
地為報却弗受其孝友出于天性然也郡文學孔某系出永嘉
族人以其疏遠而弗之親適以事置對憲府時君方八歲力為
求直而出之同里徐伯潤託其息女於君而歿君鞠之如已子
既長為嫁于士人術士頷知幾來謁違以疾亡君為具衣衾以
飲而緘其行橐惟謹妻子聞計至而恚以授之皆感泣請以其
術為獻拒弗納有同與計偕者見黜于有司貧不能歸君為貸
錢一千緡于富人而代償之其人後亦取進士有祿秩或謂可
責償矣君不聽而焚其券其急于人之患難窮厄多類此胡先
生沒君集同志之士弔祭而上私謚焉默齋之喪主辦尤力漂
水州判官朱性初與君暱事于省戶到官未幾而卒良過杭君

迎于其家而為位以奠親舊皆感動爭來歸賻其篤于師友之
誼又如此君與人交歡然無間然尚氣不阿有過必面折之聞
者若不能堪又乃服其識量平生無苟取嘗龍書大藏經有旨
賜幣亦辭弗拜家居不事生業有書伍千卷而已君之墓也思
構已記歲月納諸壙復以狀來謁銘予締交于君最久且親自
謂知君莫予若而狀之所述多予未及知者予固不得而畧也
庸備著以為序而銘以係之銘曰
古有六行以教萬民此屋可封孰非全人矯矯孔君生今之世
無待而興六行兼修直道以行視險若夷出其緒餘卒不大施
爰擇斯藏里曰孝悌銘彰其存用諱求裔



金華黃先生文集卷三十五

續卷三十二

臨川危素編次

番禺劉耳校正

墓誌銘

延福太監張公墓誌銘

故延福太監張公世業儒而兼善乎道家之言洞達乎死生之變其無恙時嘗自製棺槨題曰幽隱欲效陶元亮自為挽詩杜牧之自作墓誌而弗果公既歿且葬平生所與交皆一時名人其家不敢屬以銘者懼非公初意也後二十四年公之子世華以為不可使公終泯泯而無聞乃奉狀以銘來謁按狀公諱觀字觀道其先家於淮南宋渡江之初六世祖思道由通州航海抵平江之福山港入居於橫涇遂占籍今之常熟州高祖彥奇晦迹不耀曾祖朝請郎仲有子九人俱能自植立祖迪功郎孝

續卷三十四

德家始大父太學內舍生士元再領監舉未第而國除乃隱不仕母金氏至元丙子又自常熟徙居杭州時公甫五歲父母鍾愛甚至延名師教之公天資明銳加以勤敏師逸而功倍既長工為文尤長於歌詩不肯蹈襲陳言游戲翰墨得古人筆意善鼓琴嘗親斲琴數十張感臻其妙性好古而習於世務於吏事譯語無所不通父母役事繼母如所生綜理家政公私應酬各適其宜質既日豐兄弟子姪之貧乏者周之女子不能婚嫁者資之死無以治喪者給之平居薄滋味戒家人無故勿殺能飲酒而惡沈酗四方賓客之至無虛日樽罍之備禮而已大德乙巳出游京師用薦者久宿衛於中宮扈從往來兩都靡憚其勞至大戊申中政院奏授承德郎同知江浙財賦都總管府事已酉秋八月就職僅及再暮倦於繁劇移疾辭退延祐乙

卯太常禮儀使司徒曰公強起之奏除本院判官不就丁已宣政院奏為斷事官命下陞其階奉訓大夫不容復辭戊午入朝集賢大學士陳公引見被旨特授延福太監陞其階太中大夫公深以滿盈為戒乞免進秩執政嘉其廉讓奏允所請俾仍舊階在垂及三載中政院復奏除內正卿不拜即日扁舟南歸其別業在常熟遇春和景明秋高氣清與名人勝士徜徉田野間或小憩緇虛焚香看畫啜茶賦詩若與世相忘公於醫藥卜筮風鑿地形皆研究其術惟修煉服餌長生久視之法嗜若飢渴湖海羽流競進所長得璇璣混合之道每夕露香飛神朝謁彌久益虔雷霆諸階秘文隱書悉造玄要嘯命風雲立應如響先是嘗寄籍三茅山之元符萬寧宮泰定申子上清宗壇四十五代宗師劉公欲舉以自代累致書趣之還山

公方厥人間事為佚老計辭不赴丙寅春析田業付諸子丁卯
秋示微疾遺命并井有條戊辰七月二十八日黎明終於某鄉
祖塋之西菴其年十一月某日葬富陽縣春明村石門天柱山
父母墓次遵治命也公自號湖山有湖山小藁二卷卷橫溪唱和
集三卷皆刻梓以傳元配閻氏集軍節度使某之女前公十七
年卒無子繼室陸氏公子男七人世華陸氏出也女六人孫男
十八女六人嗟夫市朝之人入而不出山林之士往而不返之
二者皆過也而沉賢愚貴賤同寓形於宇內能無憑生怛化者
幾何人哉公於進退存亡之際皆可以無憾是宜銘也已銘曰
柱下之史漆園之吏蓋本必於不仕而不都于顯位卓哉張公
智圓行方搏扶搖而直上依日月之末光人方瞻其羽儀歎遠
翥而高翔公之自處不老不莊曰予之先有從游赤松之子房

委蛻茲丘其封若堂欲知其人砥此石章

中大夫延平路總管韓公墓誌銘

公諱國賓字君玉姓韓氏世居蔡之信陽其先以材武仕宋曾
祖諱斌忠訓即祖諱伯榮以武功大夫總軍襄樊考諱興祖親
國步日盛慮數有歸遂隱不仕公身長七尺美須髯多藝能尤
善騎射不屑為文字之學而善談論古今事至元十一年丞相
伯顏平章政事阿朮奉詔南伐師次鄂州都統程公鵬
飛舉本軍來歸公以將家子列其麾下戰數有功十三年署管
軍總把尋以兵屬黃招討世雄先是大軍度梅嶺下廣東十四
城公皆預在行未幾閩軍來逼廣州公從世雄守梅嶺戰屢捷
獲其隊長遂攻破南雄韶州率舟師次清遠峽斷浮梁以逼其
衝既平廣州而兵復起公與之戰於烏泥沙灣木綿三山屢捷

進略循州降其守將十四年還駐隆興世雄從參知政事也的
 迷夫收興國斬黃公以偏師出戰生擒三人軍次黃州公去城
 十五里而舍兵始交公直前嬰其鋒流矢貫右臂裹創力戰而
 黃州平十五年從世雄入覲賜銀符真除忠顯校尉管軍總把
 仍賜金織文衣以旌其功十六年程公為行省參知政事公從
 之討五谿諸蠻馳傳入奏邊事還領諸翼拔突軍四百五十人
 夜焚息林砦遷索羅砦之氏使去巖險而無所憑特進諭桐木
 砦其砦主負兩銅鼓來降 朝廷方議旌擢會靖州犵狫狻
 葛蠻肆其猖獗有 旨命程公往討尋復止之俾擇人諭之
 使降公請行諸响果皆嚮化遂罷遣諸軍命程公以平章政事
 行中書省事調公權岳之臨湘縣公既視事務農重穀興舉學
 校廬館舟梁葺治以時二十四年遷忠翊校尉處之麗水縣尹

鄰邑青田有嘯聚搆亂者郡將署公為都鎮撫總麗水青田縉
 雲龍泉松陽五縣民義捕治之公率部伍據要害 別騎前進
 追奔五十里而以所部兵繼之手射二十一一人其九人皆斃生
 擒十三人斬首伍伯級餘眾聚于沙谿公手縛其二入以獻遂
 直往擒之獲其首亂者六人諭其民卷降伍伯戶使皆復業未
 幾台州妖民反以婺之東陽玉山為巢穴既就擒伏誅羣盜相
 挺而起者猶未盡殄處與婺為鄰郡縉雲尤被其害公以民義
 會官軍逐捕之手刃五人射五人皆斃斬首一百級又與其黨
 遇於西巖追斬三十餘人姦執肅清而政平訟理見稱廉能大
 德二年陞武略將軍知台之黃巖州自州抵郡城運河皆瀕海
 通潮汐故有牖以時其蓄洩歲久不治公下車會大霖雨水閘
 不行乃命考其故道為 十有四凡三年而訖功民以為使同

知州事朱公叔麒故宋士也為立石紀其績人至今傳誦之
環州署皆河水堙塞已久遂多火災公命疏浚之豪石多不樂
公弗顧渠成而大害息凡平冤獄者三所活數十人公在麗水
十年黃巖七年所至咸有去思形於歌謠部使者舉治行為諸
州縣最至大七年除陳遠大將軍漳州路總管延祐元年遷定
遠大將軍南劍路總管南劍改延平換中大夫為延平路總管
年老去官卧病山陰谿上以信陽之潯泉自號示不忘鄉土也
七年冬十一月二十有七日卒於安寧里之私第享年六十有
七以某年某月某日葬某鄉某原元配汪氏先三十八年卒繼
室沈氏後九年卒劉氏丁氏又繼之子男三人長眾家奴汪氏
出早卒次人傑沈氏出用公廕為從仕郎兩浙節轉運鹽使司
雙穗塲鹽司丞次玄劉氏出亦卒女七人長未笄而卒次適知

黃巖州劉晉亨次適王怡之次適同知東平總管府事王雲次
適海運千戶王振鵬次適黃榮祖次適天台縣尹秦徹徹孫
男二人夢生留生孫女五人公歿三十年其家始奉孫壻江淞
行中書省掾甘立之狀來謁銘蓋嘗歷觀前史所記為循吏者
非必其有戰伐之勞為良將者非必有撫字之責公獨負其脩
能惟上所使孔子所謂君子不器者公殆其人乎是可銘
也銘曰
天之降材各有其施惟材之多無適不宜公生將家逢時思奮
被堅執銳出履行陣皇靈所加四方攸同乃授以政疇其
民庸拾級而升克有位序由公之材兩有文武公起列校再剖
郡符宜有成績登于冊書作為銘章姑備闕逸惟石可泐公各
不歿

明威將軍管軍上千戶所達魯花赤遜都臺公墓誌銘

公諱脫帖穆耳字可與系出蒙古遜都臺氏其先有事

太祖皇帝為開國元勳者曰赤老温名在國文公高祖也

曾祖納圖兒御作下必闕赤繼領衛兵取遠破金屢策攜

功後攻西夏而歿於王事祖察刺從

上親征西域以功為業里城子達魯花赤又從

太宗皇帝於潛邸經略中原立功尤多

太宗即位錫金符改授隨州軍民達魯花赤父忽訥襲前職以

隨州孤絕涖治南陽府之昆陽愛鄰境却縣風土淳美因家焉

至元十三年

世祖皇帝命相臣總兵伐宋公以管軍萬戶實預在行渡江後

加金虎符為潮廣等處行樞密院判官南土既平兵寢不用累

持憲節終於江西湖東道肅政廉訪使以長子式列為臺貴贈

江東建康道肅政廉訪使又以公貴贈通議大夫僉樞密院事

上輕車都尉追封陳留郡侯謚景桓母博羅真封汝寧郡大夫

人公以勳舊家子蚤備宿衛大德十年用臺臣薦佩金符為武

德將軍斬縣萬戶府東平等處管軍上升戶所達魯花赤延祐

二年遣宣武將軍秦定三年轉明威將軍分城坐鎮自明而越

前後三十餘年以老致其事公性至孝陳留府君之為湖南憲

長有德於民其歿也相與繪像而祠焉公不遠數千里求遺像

以歸事之如生存措紳先生皆以詩文美之公於人有善稱歎

不容口有不善則為之不憚終日至戟手怒罵之其善善惡惡

亦天性然也宋南渡初越人蔡定父年七十餘以事繫獄法當

贖而吏持不可請以身代又不報乃自沉於府河以死郡守為

出其父且給措以葬嗣為郡者立廟卧龍山之麓請勅額號愍
孝歲久廟廢而居民侵其地官不之省公搢萬戶府事慨然曰
孝子不祀人奚以勸會使者行部亟以為言使者顧謂守令曰
承宣風厲郡縣責也若等官無忽乎即日使歸其侵地廟以復
完 國朝取宋之兵至天台民婦王氏為軍士所得自誓不
辱至剡之清風嶺鬻指出血題詩石上投崖而死公移文有同
為立廟迄今未廢刻有隱士吳君與公友善嘗謂吾死得附葬
於二戴無憾矣速其既卒貧不能喪公輟俸貲倡鄉人葬于書
院之側其好義又如此公為人廉介質直不喜紛華講閱之暇
日與賢士大夫游清言雅論壘壘不倦懸車之後養高城南關
齊閣懸弓劍著壁間叢古今圖書布列左右延名師教其子每
遇風口清美輒緩轡郊外徜徉竟日或幅巾藜杖命家童抱琴

自隨散步間巷間稚童迎笑扶掖而娛亦不拒也禮部侍郎秦
不花出守越作新學校行鄉飲酒禮迎致公居僕輔公升降拜
起不想于儀人皆望而敬之公生於至元二年正月三日卒於
至正四年十二月二十八日享年八十有四夫人哈魯氏封陳
留郡君高氏朱氏俱范陽郡君子男五人長大都以武德將軍
襲職東平等處上千戶所達魯花赤次哈刺木仕次月魯不花
元統元年進士累遷承事郎南陽府穰縣達魯花赤兼本縣諸
軍奧魯勸農事次篤列圖至正五年進士授將仕郎衡州路衡
陽縣丞次完澤不花方治舉子業女四人長適宣武將軍莘縣
翼上千戶齊伯顏察兒次適朵兒伯 次蚤卒次適國子學生
忽都達爾孫男七人諸孤遵治命奉柩歸鄉縣卜以至正六年
某月某日葬先塋之次示不忘本也以潛於公父子間有一日

之雅奉鄉貢進士趙倣所為狀來徵銘潛竊惟自昔帝王之興
必有命世之材為之股肱心膂披攘經營光啓鴻業功在社稷
澤在生民故天之報施也往往使後人保其祿位以承太平君
子無為之治其德厚者其流光豈不然哉而況公以陳留府君
為之父武德及穰縣衡陽為之子公居其間優游自適享有上
壽其存其歿皆可無憾顧潛之鄙陋衰朽無以贊揚萬一庸悉
取狀所述為之序而銘之銘曰
國家之興必有世臣由本而支彌久益振時方承平垂衣當心
息馬投戈以文易武靖共爾位弗震弗驚禮義于櫓舒舒扞城
賓客在前圖書左右載懸吾車長歌擊缶我弓我治世適是承
爾仲爾季人遺一經發藻儒林踵武相接趨而過庭珪重組瑩
生榮死哀雖歿不亡式克有譽為前人光瞻言故丘返柩而祔

念茲厥初祁連之墓

武略將軍海道漕運副萬戶曹公墓誌銘

曹氏之先出於宋名將冀國武惠王彬南渡時由汴徙吳今居
平江常熟州之祿莊里者號福山曹氏最為望宗聚族二百餘
人仕南朝多顯者而公之曾大父昌大父通俱晦迹弗耀
父文富始以公故贈武德將軍平江等處海運千戶驍騎尉追
封長洲縣子母王氏追封長洲縣君公諱某天資剛直動必由
禮事親善色養以孝謹稱服用尚儉素戒子孫以為法治家并
并有條積而能散私帑不蓄羨財聞人有善喜形於色不啻出
於己里中俊秀貧不能就學者必周給之不喜暴人之惡有小
過必委曲化導使知自悔鄉人有不能制其儇子者公呼之來
前喻以人心天理其子感悟卒為善人公每謂人生於世但當

設心坦夷仰不愧俯不作足矣矣必泥古人之陳迹事事求合乎識者以為名言年踰弱冠猶未有宦達之意會朝廷創開海道以通漕運首以材選而服勞其事大德四年制授金符敷武林尉海道運糧千戶秩滿授元降金符遷嘉定等處海運副千戶公律已以廉處事有法所部之人咸畏而愛之嘗開洋而遇風濤大作舟人震駭公神色自若徐喻之曰妾質為臣當忘身而徇國進思盡忠天必佑之眾莫不服其量大府或以事咨詢於眾多俟公言而後定至大三年超授金符武略將軍海道漕運都萬戶府副萬戶公數以漕事往來南北而深察其利害視事伊始凡所興除公私咸以為便四年夏部海艘八百所漕米以石計者百七十四萬八千六百四十有九晝旗宵拆號令肅然舳艫相銜首尾不絕旬日之閱已達海口舊

傳海道有神司之人恃以無恐公蠲潔致禱感應如響有相之道焉

玉音獎諭宴勞錫予視常歲有加人以為榮而公雅志恬退既受代即屏居丘園優游自適幾若與世相忘同列有惜其去者言於當路乞挽留之至治二年有旨起公為平江等處海運督糧所千戶三年夏督運至京師賞賚尤渥

廷議復用公為萬戶未命而公遽以疾卒泰定元年四月某日也享年六十以某年某月某日葬于福山塘之西上公垂屬續命割上腴之田十百九十有八畝築精舍擇方外之人主之俾以歲入供晨香夕燈凡婦百須之費願語諸子曰吾不以身後事累汝也夫人蘇氏封長洲縣君以禮自持克配君子嘗發私笈造輿梁以濟行者成公之志也子男八人長文華將仕佐郎平江路崑山州稅課大使贈奉訓大夫徽州路婺源州知州飛

騎尉追封吳縣男次思聰將仕佐郎兩浙都轉運鹽使司永嘉
 場鹽司丞次思溫徵事郎温州路稅課提領次思恭不仕次思
 賢將仕佐郎平江路長洲縣尉次思忠次文英次思問皆未仕
 女四人孫男二十人文華長子珪襲父職佩金符為忠翊校尉
 平江等處海運香糯所副千戶次也仙由里哈溫必闊赤累仙
 從仕郎宣政院崇教所知事餘皆未仕曾孫男三十人初武德
 府君早世王夫人躬靡他之誓教育其丰子訖有成立長即公
 次良玉承務郎冀寧等處稻田提舉無子公命以思賢為之
 後次濟滿從仕郎常州路宜興州判官贈集賢脩撰承直郎公
 歿二十有六年而珪來京師以銘為請蓋公先三世皆厚施而
 不食其報故公遭逢聖代克承天寵久齡必發乃理之常
 雖所用未究而諸子嗣有名位適孫遂世其官餘慶所及未見

其止推本積累之自而昭示于後人所以使之引而勿替也銘
 其可無作乎銘曰

海於兩間為物最鉅孰能以力與為勝負有偉曹公孔敏且武
 出長萬夫訓齊行伍風檣浪楫若鵬斯舉精忱所格百靈呵危
 天吳象莫敢于侮千艘並集灌輸天府克有成績微聞常中
 傳宣宴勞秩秩樽俎筐篚之將便蕃錫予公不自矜翽其遠翥
 鋒車台還不留下處為官擇人諉以印組上方用公還領
 故部公忽已仙近于帝所有子承考咸躋官簿惟時間孫大纂
 遺諸從事賢勞無忝爾祖如漢世官氏以倉庾福山之西匪堂
 伊芥史官勒銘垂輝千古

亞中大夫同知湖州路總管府事張公墓誌銘

公諱光祖字載熙姓張氏晉寧路霍州霍邑縣人其先金之宦

族高祖諱柱管軍萬戶曾祖諱儀管軍千戶祖諱元義金亡隱居弗仕父諱衍入皇朝任朝列大夫同知福建等處都轉運鹽使司事贈朝散大夫同知晉寧路總管府事騎追尉追封清河郡伯母劉氏追封清河郡君金氏封清河郡太君公金夫人所生幼聰惠稍長立志於學而於文法吏事無所不知用父廕補將仕郎提鎮建德在城稅務執法遵職綽著能聲遷登仕郎主紹興之上虞縣簿上虞素號難治公以介潔自持而馭姦胥悍卒以嚴上官甚敬異之除兩浙都運鹽使司清泉場鹽運循資轉從仕郎調京畿慶豐倉使用例陞承直郎運舟多覆溺之虞京倉有折閱之患人皆避不肯為其為之者亦鮮能道於吏議公材諳甚優而謀慮尤深遠處之裕如更以此受知當路而見識拔佩金符為松江嘉定等處海運千戶陟階奉議大夫

在官五年涉鉅海至京師者四所轉漕米以石計者總若干萬竣事皆有宴犒錫賚寵數殊渥上嘗命公函香祀天妃于成山公不憚險遠躬詣其處禮成而退祥飈泠然拜朝散大夫杭州路海寧州知州兼勸農事知渠堰事公撫民有恩政不苛媿而善發糶姦伏人不能欺有寡婦訴其夫為人所殺罪人既得而莫知其屍所在公齋戒禱于神而得之官河水中時方暮春經旬猶不至腐敗人以為公精誠所感蓋公之究心於獄訟類如此即其一事餘可推而知也漕治未幾官府日益無事乃大興學校以淑多士三皇有廟而無田以祭則輟俸貲倡眾為置田若干畝使者舉公六事俱備政績最於諸州擢同知湖州路總管府事進五官為亞中大夫未上俄感末疾閱數日疾稍間語諸子曰吾去家數千里而宦游於大江之南屢欲展省

先世丘隴竟不可得吾百歲後汝曹宜即吾僑居之所為卜地
以葬庶他日便於祭享也無何疾復作遂以至正六年閏十月
三日終于平江之寓舍享年六十有二公娶程氏河東山西道
都元帥授急戰之孫女前八年卒追對清河郡君繼秋氏平江
路總管致仕某之女封清河郡君子男六人長中用公恩授從
仕郎建昌路南城縣丞次肅次恭次毅皆程氏出次溥化次僧
家奴女二人長適浙東道軍慰司都元帥府譯史董德次早卒
孫男一人女一人俱幼公天性孝悌尤篤於教子金夫人年踰
八衰身愈康強事無巨細皆稟命而行初度之旦必擊鮮擣珍
集僚友親朋稱觴為壽盡歡而止異母弟光嗣以鞏昌都總帥
府知事乞休致中書擬授承務郎奉元路同知宣州事未命而
卒公哀悼不已視其子震如己子焉中等遵治命以七年正月

三日奉公暨程夫人之柩合葬于吳縣安寧鄉萬安山之東而
以書來徵銘始公督運清泉予亦備員石堰休暇輒相過從以
相勞苦已而予先受代去及公守海寧予適承乏儒司因得見
公道間聞公少八歲予以早衰不俟引年預乞謝事而歸公方
嚮用不謂遽先我而逝其何忍執筆而銘諸雖然不可無以抒
吾哀而塞其孤之請也銘曰
天之降材有萬不齊孰完於公無適不宜碎曹猥局視險若夷
從事獨賢退食委蛇晚專一城年未及衰恢恢游刃厥間四馳
葉途方啓遽止於斯公材則多卒不大施垂休委祉嗣人之貽
承之匪易勗以銘詩

雅州知州錢公墓誌銘

公諱文煜字光遠姓錢氏吳越忠獻王之若干世曰進由嘉興

徙無錫又三世曰梓乃定居新安谿上其子曰宗起於公為高祖曾祖諱成祖諱志宣父諱裕以質直好義稱國兵取常州元帥府授以官避不就晚受知于翰林學士承旨覃懷許公其卒也許公為表其墓而銘之母陸氏有子四人公其適長也幼警悟不習為童兒之戲稍長率諸弟佐其父以儉薄致充裕父歿分財均不以適庶為別治喪能求賢有禮者相其事內盡其心而人不以為過於戚外盡其物而人不以為傷於侈送客數郡畢至皆歎息焉公為人精悍有膽略臨事無所回撓人有急難赴之恐後有餘粟樂以振人之窮貸則減其息糶則損其直病與藥寒與衣以為常歲饑則為粥濟餓者為糗餌給流移者其殍死者則出錢募人舁致屏處聚而瘞之平居涉獵書傳善論古今事當否成敗幾微曲折如指諸掌或有所詢謀援引裁決

言必中的與人語恒依於禮法族姻里黨有忿抑不能平則隨事直之無不厭服而去然不善自表襮恂恂卑讓未始以辭色加人故尤為人所愛重公卿大臣咸知其材許公初由中司位丞弼招之至輦下將署以右職公曰所不遠千里而來者為知己耳仕非吾本志也辭歸未幾許公卒欲用之力薦于朝以為承事郎知雅州雅州於蜀為極邊而居西南夷之衝號為要地郡符殊不輕畀命下人以為榮而公訖辭不赴自是杜門謝所還往暇則徜徉山水間優游以自適屬疾僅一日即夷然而逝公生於宋咸溫八年正月三十日卒於今至元三年八月二十九日享年六十有六以四年十二月某日葬于其州開化鄉軍帳山南塢之兌岡距先塋三百步而近娶李氏先十有九年卒合葬焉子男七人長師顏克承其家者也次師曾蚤

卒次師中溫州路蒙古字學正次某田州路蒙古字學教授次
師正次師義次師禮女三人婚曰吳早曹大亨葉宗亨孫男八
人女五人曾孫男一人女一人公葬後三年是為至正元年師
中以嘉興縣人虞君志道之書來曰志道與公同里閭而公之
女弟實歸于我知公為最深謹具其世出行事卒葬之歲月如
右幸序而銘諸潛竊觀世所謂砥行立名之士未嘗不欲忘貴
遺富至誘以高位重餼而不失其所守者鮮矣公為善而不近
名視尊官厚祿若不足以動其意其賢於人哉雖微虞君之言
銘固不可辭也銘曰
錢故王族世有顯人後隱弗任逮處士居公初起家真二十石
有而不居仍晦其迹泊焉以休匪佚吾私視我停菴及所設施
積善在躬惟家之慶用之鄉人是亦為政乘化而終不亡者在

有豐其委其承託託五品之石龜趺螭首薦茲刻辭式示永久

汴梁程甲提舉周公墓誌銘

須臾以休致之餘承乏詞林周君伯琦適自七閩憲府召還擢
居次對緣僚友之契以狀屬予銘其從父提舉公之墓誼不得
辭按狀公諱應星字床翁姓周氏上世由鄭徙廬陵又徙饒州
鄱陽縣之板橋里仕宋以儒起家曾祖考諱邦采迪功郎祖考
諱灼鄉貢進士考諱壑宣教郎宣教公之第諱堂入皇朝贈翰
林待制奉議大夫驍騎尉追封鄱陽縣子公所生父也至元十
二年國兵南伐次饒州饒之守臣執節以死民無所依翰林公
挈家逾城而出以自保公甫七歲倉猝之際為邏兵所得亟出
懷中銀括賂之既以自免又能跡翰林公所在匍匐就侍舉家
異焉稍長樸茂恬靜不妄言笑屹如成人讀書務通大義工於

竿橫而善心計宣教公夫婦歿於鋒鏑而無子公兄弟四人次居第二翰林公命為之後公承其家而備其祀事唯謹比弱冠翰林公年已七表伯兄又多病家事皆身任之翰林公喜賓客好施與當江南新附之初官府征歛繁雜公入奉嚴親不違其志出膺門戶無失其節人稱為能翰林公捐館未幾而伯兄亦卒公於喪葬各盡其禮每謂人生出處自有定分兄弟皆父母遺體苟有能顯其親者何必出於己乎膝闕後二弟並游京師公獨留綜家務凡十餘年使二弟無後顧而卒成其官業者公之力也由是公之孝友聞于一時延祐某年用徵政大臣薦授汴梁稻田提舉辭不赴公既遺榮弗居日從事乎生產作業家益以充自處甚約而宗族鄉黨以困乏有請者必使滿其所欲稱貧而不能償者一無所問挾方技數術而來謁者無虛日平

居好治屋室園池樹橘數百株時與士友相羊其間因自號橘中居士間里少年或恃氣以陵之忍不與較人望而知為善人長者至正二年九月某日以疾卒于家享年七十有四卜以某年某月某日葬于都昌縣某鄉之黃荆山公初娶方氏繼江氏子男三人自誠伯強伯明女三人適張汝揖朱業黃文紀孫男孫男五人女二人公二弟仲曰應奎早備宿衛終於饒州路總管府治中季曰應極由東宮說書歷翰林集賢兩院待制丐外卒官同知池州路總管府事累贈翰林直學士亞中大夫輕車都尉追封鄱陽郡侯伯琦其子也今為亞中大夫崇文少監同檢校書籍事兼經筵參贊官云銘曰

衆正之路人所同歸苟非其招吾行遲遲前人之遺其積孔有難進易退費用弗售雨露所濡花萼聯輝尚慰予懷風木之悲

有隕自天下賁幽室榮耀實多奚必我出惟示後人鑒觀于茲克協乃心勿替引之

松江嘉定等處海運千戶楊君墓誌銘

楊氏之先世有顯人宋之盛時有自閩而越而吳居澈浦者累世以材武取責任入國朝仕益顯最號鉅族今以占籍為嘉興人君諱樞字伯機贈中憲大夫松江府知府上騎都尉追封弘農郡伯春之曾孫福建道安撫使贈懷遠大將軍池州路總管輕車都尉連封弘農郡侯發之孫嘉議大夫杭州路總管致仕梓之第二子母陸氏所生母徐氏陸以封徐以贈並為弘農郡夫人徐夫人溫之宦家女先君甫數歲而歿陸夫人撫君不啻如己出君幼警敏長而喜學一不以他嗜好接于心目刮摩豪習謹厚自將未嘗有綺紈子弟態其處家雖未鹽細務皆

有法僕隸輩無敢以其年少而易之諸公貴人多稱其能大德五年君年甫十九致用院俾以官本船浮海至西洋遇親王合贊所遣使臣那懷等如京師遂載之以來那懷等朝貢事畢請仍以君護送西還丞相哈剌哈孫答刺罕如其請奏授君忠顯校尉海運副千戶佩金符興俱行以八年發京師十一年乃至其登陸處曰忽魯模思云是役也君往來長風巨浪中歷五星霜凡舟楫糧糧物器之須一出於君不以煩有司既又用私錢市其土物白馬黑犬琥珀蒲萄酒蕃鹽之屬以進平章政事察那等引見宸慶殿而退方議旌擢以酬其勞而君以前在海上感瘴毒疾作而歸至大二年也聞七寒暑疾乃間尋丁陸夫人憂家食者二十載益練達於世故絕圭角破崖岸因自號默默道人泰定四年始用薦者起家為昭信校尉常熟

江陰等處海運副千戶居官以廉介稱被省檄給慶紹溫台漕
輓之直力剗宿蠹培尅之弊絕無所容天曆二年部運抵直沽
倉適疾復作在告滿百日歸就醫于杭之私廨疾愈劇不可為
俄陞松江嘉定等處海運千戶命下君已卒至順二年八月十
四日其卒之日也享年四十有九娶劉氏南渡名將大師鄜王
光世之裔前四年卒贈嘉興縣君初君有三子俱未齒而天奉
父命以弟之子元德為之子後乃有子曰元誠君卒時元誠生
二年矣元德卜以元統二年正月某日襄祔事于泊櫓山先塋
東百步與嘉興縣君兆合君從父兄朝列大夫同知集慶路總
管府事清孫實誌其壙而墓道之石未有所刻元德以狀來謁
銘乃序而銘之序所不能悉者誌文可見也君平生所賦詩
有遺藁藏於家銘曰

弗私于佚維時之逢弗疾于用維才之通有伉其門堂構則崇
其播其穫乃嗇不豐尚其嗣人勿替盛隆琢石以竣表茲幽宮
上都新軍管軍千戶夾谷公墓誌銘

公姓夾谷氏諱明安答而別名思齊字齊卿其先當金之季年
奮迹行陣靡有定居由大同徙南陽之郊縣又徙真定而占籍
於趙州後復為郊縣人曾大父諱留乞受知

太宗皇帝入覲于西京以萬戶奉 詔僉軍彰德諸郡得八
千人隸麾下數立戰功尋出戍隨州以隨州孤絕餽餉弗繼移
駐郊縣剪荆棘立城堡規模粗具俄遷戍潁州出奇禦敵人賴

以安從攻安豐壽春無為親冒矢石一無所憚
世祖皇帝嗣登太寶召入扈從賜 璽書俾持以宣諭有能
率眾來歸者當酬以爵祿欽承 上旨輸忠效勤績用彌著

用丞相史忠武王薦特降金符授蓋州三項合不哥民戶達魯
花赤改知懿州換金虎符歷懿州平灤淄萊三路總管終於淄
萊積階昭勇大將軍大父諱唐兀以材自見於

憲宗皇帝時從攻鄂州還戍潁州達

世祖皇帝命將出師大舉南伐復預在行既渡江取鄂又北收
司空山野人原天堂諸山寨計功行賞授武略將軍上都等路
新軍萬戶府管軍千戶從其萬戶分鎮杭州卒於官父諱滿
以忠翊校尉襲管軍千戶職沒贈武略將軍飛騎尉追封范陽
縣男母胡氏鄭氏俱追封范陽縣君用覃恩也公鄭氏出幼有
異質娟秀慧明可愛稍長習尚文雅雖在營壘間容止進退儼
如承平閑閨子弟然個儻尚氣不為崖岸與人無宿諾有過必
面折不少貸有德必報聞其急必勇赴之由是四方豪雋之士

多樂與之交平居無事習韜略之書不敢輒廢或獵于近郊射

則中禽則獲歸而祖割以奉甘旨克盡其歡父歿當嗣襲捧薦

積京師公卿大臣奇其器識不以武人子遇之被命以忠

翊校尉為管軍千戶覃恩進忠顯校尉公事主帥以恭待同僚

以和遇卒伍以嚴各適其宜閱武之際於眾中獨美風姿光采

照人褰鞵帕首馳驟捷出列校咸指目焉其治家內外截然無

嘻嘻之失歸自京師生事稍落以勤儉率先家人樹藝畜牧貨

殖皆井井有條致養於偏親惟所須而具闔門食指數百無不

充足嗣故廬使極高爽日與賓客徜徉其中愛其弟思齊尤篤

同居三十年不忍使遠去弟有子已成入乃處以錢唐西鄉別

業凡先世故物悉推與之公在官既久一日語諸子曰吾荷
國家之寵靈保祖父之遺緒未能圖報萬一爾曹有以成吾志

而伏吾老使得優游卒歲不亦可乎即日移文于退主帥及同僚挽留不可則上其事于行中書省以聞于朝乃俾其長子瑛襲見職浙西部使者交章舉公年未及謝村幹膂力皆有過人宜別加擢權公悉辭避馬居三歲以子衍早世傷悼不已因致微疾即却藥弗御沐浴更衣而逝公生於至元丙戌九月二十五日卒於至正甲申十一月二日享年五十有九娶史氏忠武王之孫元氏縣尹某之女封范陽縣君子男四人長即瑛今為忠翊校尉管軍千戶次琦胤潘萊府君廕當得官未調次即珩先公一月卒次璋女三人長適永新州知州李公之子煥次許適管軍千戶趙嗣宗次許適錦州知州王公之子某孫男二人尚幼公大父之殯久在郊縣而父母俱歿于杭將扶護而往以昭穆序葬顧職守有嚴懼展省之弗時乃買地於錢唐之

東馬塍遣子琦迎大父之喪與父母同兆域以葬且築室為歲時饋祀之所公卒之月二十有三日瑛等遂奉柩附葬其右遵治命也初范陽府君當四海合一之後田里人安邊鄙不聳得以暇日與先生長者游讀書手不釋卷公耳濡目染益自力於學延師教子各專一經諸子欲稱出所長以售於有司公止之曰爾曹甫向學遽與寒峻角其勝負寧不自揆乎於是諸子愈自激勵文采彬彬士林稱焉公既葬瑛等以狀來謁銘乃披狀所述序而銘之曰

天造草昧必資羣雄四方砥平士無伐功繫公之先生逢興運兩世一時懷材並奮再傳及公際茲文明分符列鎮坐嘯名城蹈詠泰和歡騰組練圖書左右嘉賓行行教行于家承之有人蔚乎豹變遂振於文賈勇專場襜襜儒服公曰毋庸家有世祿

印龜在棺未老而傳長歌擊缶以終天年兆啓新阡有封若斧公其無憾歸形比土

贈奉議大夫大名路滑州知州驍騎尉追封白馬縣子王
府君墓誌銘


故贈奉議大夫大名路滑州知州驍騎尉追封白馬縣子王府君以至元庚寅八月二十四日卒于宣城之寓舍享年六十有八即宣城郭外西南岡下治地以葬而府君元配劉氏前十有四年卒安厝開州已久繼室張氏後二十有五年卒尚旅殯于揚州至元後丁丑府君之子大有始並遷其柩合葬于府君之墓自為文刻石以誌焉初大有為江南湖北道肅政廉訪司知事援著令乞推恩其父母贈府君承務郎大名路同知滑州事大有張氏出也故張氏與府君同被命為恭人及大有遷平江

路總管府推官而劉氏恭人之命亦下大有既陞五品乃加府君以今官階勳爵而劉氏張氏並連封白馬縣君大有使來諗于潛曰誌所以昭世系謹歲月已納諸幽堂惟是先人勛躬樹德以承其先以啓其後者宜有辭揭于墓之原以示子孫顧猶闕焉敢以為請按王氏之先實金之宗室完顏氏世居磁州有諱遠者為金統軍使府君之父也自統君而上遭亂失其譜莫得而詳府君諱思孝字移忠幼警悟年方羈非脫身兵間東至大名居開之濮陽仍易姓王氏子孫至今因之稍長喜讀書能屬文自處甚簡薄是時國家新取中原海宇未一殊無仕進意洎天下既平朝野無事可以出而仕而府君則既老矣惟資其子使為學庶幾他日能自振拔而大用首以材見推擇尋入江東按察司為書吏廉訪司立更留以為奏差府君委蛇就

謝去父顯始占軍籍署管軍正百戶從其萬戶軍斬縣調屬他將從掠泗州擊襄陽破安豐還守揚州復從攻字羅湖蘆背寨孟家洲司空山皆有功所獲閩艦一拔其大將旗二其擊襄陽也太尉河南王實為征南都元帥屢獎異焉後遷戍杭州遂致其事行中書省以便宜俾君襲父職從其萬戶府達魯花赤討叛賊於建寧之政和與賊相拒分水嶺擊走之追至石門赤山賊勢益張君直前與之鏖戰奪斬馬刀二移鎮慶元有司驗其所管軍定為下百戶至元二十七年奉勅為真階進義副尉復從討叛賊於台之寧海至奉化與賊遇俘其七人得鎧仗十有四賊眾夜來劫營君急擊之得鎧仗十乘勝逐北至寧海生擒其偽國師等四人以前在政和感瘴氣成目疾去官大德五年七月也至治三年八月二十一日卒于家享年六十有一

其月二十四日葬墓山鄉用章恩贈敦武校尉妻侯氏贈宜人子男三長毅以世襲為管軍下百戶次衡次某已卒女五長適管軍百戶高某次適李某次適國子生鎖住次適高某次適管軍百戶張某孫男二文禮文義女四俱未行毅之外舅深州使君劉公潛火執也故深州之子貞為之求銘其墓惟孫氏自防禦公際風雲之會以功名自致君父子又皆親冒矢石以著其勞餘澤所被未有止也不可無使後人知木水本源之自輒因銘君推及其先世而併誌之銘曰

孫氏之先世有伐功匪由門地而致顯融賞延于君復以材奮被堅執銳再履行陣君之所試泰山毫芒鸞鳳在郊鷹隼莫揚爾子爾孫垂紳正笏砥此石章永無忽



金華黃先生文集卷第三十六

續葉三十三

墓誌銘

臨川危素編次

番禺劉耳校正

贈文林郎江浙儒學副提舉許公墓誌銘

前進士許廣大為武義之明年以內艱去銜哀致辭於予曰昔

吾父之棄諸孤也廣大年甫十有七後小年乃以非才叨綴末

第獲備官使文十有四年始用刺贈吾父文林郎江浙等處儒

學副提舉封吾母宜大廣太祇奉命書將以告于墓下且

求時之文人勒諸貞石以昭先德而修

上恩詎謂吉凶同域吾母違以疾不起風水之悲罔極奈何忍

未即死以終大事願推述吾父啓慶儲祉源流之所自及吾母

為之欣助者合而銘之惟許氏遠有世序其占籍台州路之天

台縣莫詳所以徙提舉公諱嗣字繼可曾大父某大父某父某

俱弗仕自曾大父時以子孫衆盛俾人專一經故許氏明經者
代不乏人提學公少受尚書而於諸經無不通然未嘗資以事
進取為名譽執益暮習皆為己之學其為人純慤靜重不妄言
笑動以禮自持父喪哀毀骨立哀麻之制哭踊之節必求合於
古諸弟尚幼撫育訓誨至于成人而授之以室先世所遺資產
惟其所用無靳竇祭百須及門戶事悉身任之諸弟咸感化而
父事焉其教子尤篤延師必一時名人躬承事之如弟子禮寢
疾病之前三月預為詩示廣大誨僅百四十言而處已接物之
道靡所不該廣大佩服不敢忘託能有所樹立擢元統元年進
士第調昌國州判官以選入行宣政院為掾史用資格序遷而
來武義居亡何百廢具舉刑清訟簡民安其業受知上官見謂
廉能皆提學公之教而宜人相之也宜人張氏同邑宦族提學

公之歿率諸子奉寔步惟謹事舅姑以孝治家勤儉而有法待
宗黨恩意甚至遇貧乏必用之諸子既蚤失所怙宜久遭遺訓
戒勵之尤切廣大在武義迎致宜人就養每晨出必告之曰臨
事貴詳審不可奪於私喜怒莫歸則詢于僕隸有少不厭其意
輒戚感不樂前是武義數有水患謀作隄以捍之而或者憚其
勞費先聖廟及學舍屢徙而多未完欲繕治崇飾之而或者以
為非所急廣大慨然以為已任宜人曰德惠未施於人而並興
土木之役得無為民病乎後知廣大以身先之而人樂趨事乃
喜其賢有識如此設者多謂提學公雖老於山林而馳恩所及
在其身後一門之內死生榮可以無憾矣予竊觀其示廣大詩
詩則穹官峻爵固非其所慕惟後之人能以斯道自任以古人
自期乃其所望也廣大既有以成其志曷可無一言以慰之於

泉下乎提學公卒於泰定二年七月某日享年四十有五以其
年十二月某日祔葬于某鄉龍山八世祖墓次宜人卒於至正
六年七月九日享年六十有九以某年某月某日合葬焉子男
三人長即廣文翰林郎婺州路武義縣尹兼勸農事次彌大喪
明而卒次小茂方業儒女一人適趙景良先卒孫男一人益浩
女五人提學公有詩若干卷因其自號名之曰得靜齋集潛嘗
序其篇端以為清高而不失乎過平實而不近乎俚茲故弗論
獨序其平生大槩而銘之銘曰
許出太岳古之封君後以國氏世多顯人公居盛時乃不有聞
卒不以施葺器於身爰有淑德媿于名門克生材彥孔敏而文
惟君子使有社有民潤澤實豐水必有源逝者如斯不亡者存
龍光下賁耀於無垠公侯之復在爾子孫龍山之原歸焉丘墳

木則已拱合祔惟新歸歟同穴表以貞珉

贈從任郎某官陳府君墓誌銘

至正八年秋故贈從任郎某官陳府君宜人張氏以其子文杰
官七品並膺贈典於是府君之歿三十有六年宜人之歿十有
一年矣文杰使以狀來申先人之葬已久而墓上之石未有刻
辭文杰自惟無所肯似非敢效皆人之有所待茲幸昭被
上恩責于泉壤皆先人積累所自致又非敢竊以為功也惟所
以發潛德之幽光者不宜無述敢奉狀以請願畀之銘按狀府
君諱某字某世居常之晉陵曾祖某祖某父某皆業儒至府君
乃以醫名家府君於書無不涉獵病時人溺於場屋之文絕去
弗為嘗慨然曰仕將行吾志以及物也而不可必得幸而得之
又未可必行吾志可以及物而又得以必行吾志者惟醫乎乃

求良醫而師事之洞究其術人以疾來告不憚風雨寒暑囊藥以往或有以報之輒謝曰吾志不在是也府君性純篤甫十歲父母相繼亡毀瘠如成人墓在永升西鄉去家六十里廬其旁而朝暮上食事之如生至元十三年國朝取宋之兵至常州府君挈家避地姑蘇中途與兵遇兄弟姊妹及從弟四人俱為所虜府君傾家貲求得之同居三十年恩義無少替常州已降而復為宋守主將怒屠其城府君母族妻族及其師之家皆無遺類府君還哭之吾恨不得與俱死也歲以城陷之日為位於別室以祭焉永升家舍毀於兵鄉人或據其故址而犁為田府君不與校惟日夜至其處號泣而已有憐而問其故者愀然曰吾親託體魄於此吾不孝無以動人而使至是敢不自咎乎其人聞而愧悔乃以地來歸府君酬以錢比常直三倍復為屋其

上而墾田以給饋祀不廢府君家居尚儉素所服惟布衣出入無與焉或勸稍廣其申宅以為子孫計輒應曰古人謂賢而多財則損其智愚而多財則益其過吾固不欲損其智況忍益其過哉府君生於宋嘉祐二年九月十一日卒於今皇慶二年七月二十有九日享年七十有三以某年某月某日葬于安定西鄉之姚墅張宜人有淑德後二十有五年卒合葬焉子男二人長文照次即文杰今為從仕郎池州路東流縣尹女二人適鄭天錫鄒通德孫男二人在宦女若干人一適湖州路南潯鎮巡檢夏某餘未行予觀府君平生志在澤物及遭值變故又能以義起禮而處之各盡其道終於隱約而以子貴成身後之名豈非所謂積善之報不在其身而在其子孫者歟文杰方以材見用於時所以追榮其親者未見其止姑以其所已至者叙之如

此銘曰

身之不達志則已施時之孔艱義有必為自其族姻逮于師友
德之在人所積已厚擇術也良及物也深擁其餘祉被于來今
荷天之休流光未艾尚不一書以謹登載

廣福司提舉封奉訓大夫太和州知州周公墓誌銘

公姓周氏諱方平系出吳偏將軍瑜子都鄉侯胤失侯而徙
廬陵廬陵今為吉安路吉安之有周氏自胤始有仕隋為會稽
太守者曰汾翁忤煬帝屏宜春外之復還廬陵後五世乃自廬
陵之烏東遷泥田又九世當宋元符崇寧間有與中書舍人劉
公才邵並游太學者曰諤楊文節公慕其遺風而為之追賦浩
齋者也浩齋子遂良是為公之高祖曾大父諱叔度大父諱椿
年嘗江南臣附之初事會轆轉強家大俠來時志橫獨能以儒

生為狂瀾之砥柱公私咸賴焉父諱琦母楊氏公其長子也幼
從名師教以先誦養而進於義理之學壯歲嬰家務以幹蠹自

任凡稅賦徭役田廬貨聚小大眾事無不身親之稍閒則延名
勝之士與居與游由是聲譽日廣仁宗時駙馬都尉瀋陽

王嗣主高麗國事署公為本國西海道勸課農使公愔然曰方
今車書大同朝廷以高麗望國俾得自除吏此豈非仕國乎

既至京師忽慨然曰吾親老矣不可遠涉鯨波重貽膝下之憂
竟辭不赴居數歲用薦者得旨以公為廣福監丞比出命

先令供職時方立重名爵之法上以廣福所掌摹造梵典
為東朝集福之所特命勿拘此制尋復有旨周方平儒者

其速授以命書諸人無得援以為比公感上恩而恪恭所
事及監改為司留公為提舉公匍匐就職旋即辭歸泰定元年

也公在京師十餘年尊官顯人若程文憲趙文敏諸公皆略名
位與交公初未嘗有所攀援以求進也既歸遂不復出里有樂
谿族人列居兩旁乃因面勢治亭臺作新樓榜曰雲泉優游家
林二十餘年終諸子咸侍受所欲言公曰子孫以和順相保
家事從叔父則吾無憾矣以至正四年十二月十二日卒享年
六十有五明年九月二十四日葬于新淦州楊名鄉石洞之原
公性孝反割田畀龍雲山僧以奉祖考忌辰敬承先志叙次家
譜康族居泥田者千餘家散處他郡若倍是尊卑遠近無敢紊
者鄉鄰有艱厄必周給之公初以子九鼎貴封承事郎吉安路
同知太和州事暨加封奉訓大夫吉安路太和州知州飛騎尉
永豐縣男已不及受練祥之日命適下哀榮兼至焉夫人李氏
唐西平王晟之後亦自宜春來徙與公家為世姻夫人善綜理

家事公父子無內顧之慮而得以成其官業者夫人之助也夫
人初封宜人加封永豐縣君以至正六年二月某日卒享年七
十有三十二月某日附葬于其鄉赤石潭先墓之次子男七人
長紳永順安撫司蒙古字教授次繕皆前卒次即九鼎以材受
知丞相鄭文忠王補宗仁蒙古衛儒學教授今以累遷為奉訓
大夫婺州路總管府判官次茂次厚次復次總宜女四人適曾
高李繼善李晚李深孫男九人女十二人曾孫男三人公年十
七而舉子三十九而抱孫未六十而曾孫生歲時家慶甥孫中
外洗洗在列人為積善之報九鼎至歿而沿方以老不任事
得謝而歸書來俾銘公墓潛幸獲受屢為泯安敢以衰朽荒落
辭謹以公族孫卿貢進士聞孫之狀序次如右而銘之銘曰
周顯於吳以奇材稱遙遙千載乃用文鳴垂芳四葉學優不仕

逢時奮興自公兄弟人皆好徑公避弗趨
天語褒嘉命之
曰儒公方退讓仕不擇祿時止則止返吾初服碧溪冷冷飛雲
湧泉俯仰自得踰二十年榮光下賁由公有子楊名之鄉公其
靈只

贈承事郎同知奉化州事葉府君墓誌銘

君諱應咸字心可姓葉氏處州麗水縣人葉於處為著族君十
世祖襄自松陽徙麗水遂占籍焉高祖冠宋季再領鄉薦善言
性理而尤深於易有起進士至孰文閣待制者曰宏其伯兄也
曾祖一鳴舉進士末第而卒祖正大登仕郎父天與仕

皇朝為美化書院山長秩滿當教授一州輒棄不就母青田潘
氏宋秘書丞復之曾孫女君少有經濟志嘗慨然曰窮經將以
致用也非精無以造微非篤無以道遠乃發先世遺書朝誦暮

習凡聖賢授受之異古今治忽之幾至於儀章度數圖書歷象
靡不研究山長公知其將適於用試使綜理家務外內脩飭日
有餘暇山長公正衣冠坐堂上子孫環列左右俾君援引經傳
典故叅以當今事宜而訓戒之雖隆寒酷暑不廢前史官鄭陶
孫以子壻銘登仕公之墓稱君通朗秀潤詳雅善幹蠱人以為
無媿辭科舉初行有司以君充賦試不合以親老不復入場屋
專意色養甘旨之奉必夫婦躬親之或燕飲他所遇時新之物
未薦於祖未進於親者則不敢嘗子弟守以為法天厯戊辰山
長公卒既祥禫益不出築室萊山之西為曰肖堂蓋山長公自
號則堂君示不忘也母氏生君而卒君始生之旦即母之諱辰
每至其日必變服號慟如初喪子孫無敢言稱壽者始君既失
所恃登仕公之侍人方氏鞠育之及長事之如母奉繼母王氏

曲盡孝敬撫諸弟有思教子有法第三子琛為通政院宣使至
 順卒未以公事自上京至江浙行省便道省侍君曰父子天性
 也五年一見面豈不願為旬日之留然簡書有程小子初仕不
 可不戒抵家之日即命遍謁先墓信宿遂行且告之曰能愈加
 廉謹以自持則可再見我如今日矣琛去又五年未及再見而
 君以至元乙亥四月庚申卒於家得年五十有二臨終以山長
 公墓石未刻屬諸子緒成之語不及他其又明年丁丑十二月
 壬辰葬于某鄉岑原之清風臺去家五里而近娶同邑湯氏書
 都縣尹瑛之女有婦德生與君同歲後君六年卒合葬焉子男
 四人長珂蚤卒次玘後君五年卒次即琛別名伯顏由歛縣丞
 辟行中書省掾史考滿而遭君之喪服除乃得調今為承事郎
 處州路青田縣尹次瑾未仕女二人婿曰湯奎何遠孫男六人

女三人曾孫男三人君所為詩文有梅閑集一卷其言務去健
 羨而甘澹泊不事華藻以諧世好也琛官正七品法當封贈父
 母如其秩至正九年春得請贈君為承事郎慶元路同知奉化
 州事君配湯氏為宜人其明年琛用治最受知憲府諱以數田
 於吾婺之屬邑會予歸自京師乃奉君妹婚松江府儒學教授
 練晦孫之狀來謁銘狀稱君材可用世特以切於孝養宣隱不
 仕故所施僅及其家傳曰是亦為政奚其為為政君蓋有得其
 旨矣惟夫知君之深是以言必以實而不苟過為夸大可謂善
 叙事者也予何能贊一辭庸備著其語而作銘以系之銘曰
 士之為善兮不與名期積久必發兮名斯我隨君則有材兮又
 有其時曷費弗售兮卒以不施安常處順兮乘化而歸儲社實
 多兮嗣人之貽寵靈所加兮長世光輝樹此碑板兮昭以刻辭

贈從仕郎浙東道宣慰使司都元帥府都事趙府君墓誌銘

今天子至正二年肇修

祖宗故事肆命有司復用科目收天下士於是趙生由欽首以國子上舍為左榜釋褐第一循舊制授七品官因得請于朝贈其父教授府君為從仕郎浙東道宣慰使司都元帥府都事曩予忝備員學官與由欽有斯父之雅故由欽求為銘以表于墓隧予不得辭府君諱孟賚字仲良姓趙氏其先宋之宗室世為汴人自燕恭懿王六世至宗正少卿贈金紫光祿大夫子英始不緣屬籍而以材自奮擢宣和某年第嘗為台州黃巖縣丞遭靖康之變遂家焉人即其所居以為稱曰西橋趙氏宗卿生朝請大夫知南外宗正事伯洙則府君之高祖也曾大父諱

師雍朝議大夫直寶章閣贈密州觀察使大父諱希聖宣教郎史館校勘贈清遠軍節度使封吉國公父諱與熏咸淳七年進士調鄂州州學教授仕皇朝至翰林學士嘉議大夫知制誥同脩國史贈禮部尚書上輕車都尉追封天水郡侯謚文簡永國閣文康公復實誌其墓母史氏贈某郡夫人府君性醇慤幼侍文簡公至京師巖然如成人稍長讀書務博覽強記而明其大義不資以為辭章時新製蒙古文字頒行未久鮮有能通之者府君一見曰此聲音之學耳試習之輒精其藝用薦者授温州路蒙古字學教授非其志也文簡公欲使涉歷於政事姑遣之官府君拜辭怵惕不忍遽離左右到官數月忽若有動於中即日解印綬還侍旁文簡公果屬疾府君晝夜奉湯藥無少懈疾竟不可為遂薨貧無以具喪事賴朝廷賜時給驛乃克返

葬府君平居事母孝母畏雷焚香侍立終日不去歲時祭祀以禮治家處置有法盛夏必冠言無諧謔由是子弟未嘗敢有惰容藝語待賓客樂為之傾盡與人交以誠有持物來售者給以高價如數酬之其人深自媿悔後不敢復為欺鄰家偽為契券據所賃隙地而有之終弗與校人服其長者紛爭不決多求質焉或遺子弟來見必戒飭使敬謹無失皆嚴憚之娶范氏順德唐山人僉雲南諸路肅政廉訪司事范公震之女封宜人婦道母儀見稱於宗黨子弟四人長由鑑紹興路儒學錄次由銳次即由欽初補從仕郎台州路宣海縣丞秩滿改調汝寧府潁上縣尹次由鑰孫男五人宜浚宜汝宜泳宜洋宜瀝女三人宜淑適同郡吳明逸宜潤宜祀府君嘗與宜人往省范公於鎮江因留居焉重紀至元之二年十二月二十日以疾卒於寓舍享年

六十有四諸孤以某年某月某日奉柩權厝於丹徒縣崇德鄉之釜頂山初

世祖皇帝既定江南有以文簡公名上聞者名至上京奏對稱旨即以爲翰林待制尋陞直學士進侍講學士數陳議論深契上衷春遇益厚特命官其一子府君兄弟三人文簡公之歿也伯兄孟實既有官序遺澤次當屬府君輒以讓其季弟孟貫服除調漳州路蒙古字學教授亦不赴浮湛里閑二十餘年而終伯兄後累遷朝列大夫廣海鹽課都提舉季弟今以通議大夫祕書卿致仕獨府君仕而弗顯乃以子貴卒享身後之榮由欽方妙年而進用於時馳思所及未見其止談者率謂此造物乘除理所必至其果然耶夫理之在天固不易知觀其善讓而能廉益有合乎人道之好謙君子之有終者不可使後之人無述

馬此子所以不辭而為之銘也銘曰
有豐其積推而弗食有夷其涂卻而弗趨惟天所畀克平其施
一本而分既參以均其委其源有考茲文曰公侯之子孫

山齋喻君墓誌銘

山齋喻君諱高字仲明其先由杭之富陽徙婺之義烏義烏多
官族而莫盛於喻氏宋南渡後六十年間第進士者六人有兄
弟自為同年者以特科及世賞入官者十有二人升于學貢于
鄉于漕者又不預焉君之曾大父諱南強承直郎處州路縉雲
縣丞大父諱厚祖未仕而卒父諱夢夫登仕郎本慶元己未進
士朝奉郎賜緋魚袋致仕品之孫縉雲府君命為大父後與兄
綱俱以有官就試于漕闈綱試兩浙不利登仕府君試江東為
周禮第一當上春官而不欲先其兄後三歲綱領鄉薦乃與之

俱行道病卒綱泣曰吾弟所以以不蚤自振者以吾故也今吾
弟已矣吾尚忍由科第取祿仕耶遂不復踐塲屋而用廕補官
母浦江石氏通判泉州南外大宗正丞範之孫女有子二人長
曰京次曰魏早卒君最幼江南新附母於干戈未定之際嘗
白金千兩京適出君取而用之京歸母語其故京曰兄弟一體
也弟之有即兄之有何較焉母因以他所藏白金千二百兩均
遺之君請悉歸于京而京復推以與君兄弟交讓者累日京僅
取其百兩君亦不敢過取從叔祖長林尉死無以飲其家以絲
來質錢有金釵從絲中墜地左右匿不以告君適窺見亟白于
母而歸于叔祖母彼初不知絲中有所藏也君五歲而孤依母
兄以立母兄相繼歿殯俱在堂而台之巨寇竊發于鄰邑家人
皆走避君獨傍徨不忍去飲金帛寘兩柩間冠至舉以昇之曰

吾不吝其所有而不愛其死者覲全吾母兄之柩耳冠哀其晴而弗受柩亦賴以完妹病瘡君撫育四甥如已子母有金釵為甥持去君輒以他金釵進曰在是矣竟不責其甥亦不以語人妹及其夫死皆為具棺衾而窆焉妻兄李石通判廬州拉君至官下石攝帥事有卒去數日而負其母以來當以軍法從事卒訖曰母老且病恐不復見誠知擅去當誅得一見死無恨君偶在側泣然流涕曰吾亦有母老矣舍母弗養而遠游於數千里外曾不若一卒之孝乎君獨不見韓魏公之事乎石感君言而貸之軍中大悅君亦即以母老辭歸石莫能留也君為人莊重而坦夷持身處家待人接物務各盡其道蚤年師事東陽樓先生雖老不親學歲必再迎致而厚禮之閱二十年如一日君既薨而三子無在者安於天命處順自適而已性嗜飲而不遇

其量好奕碁而不以勝負為意平居澹然無營而喜談農務所居山齋大書聖賢格言于座右尤愛誦邵堯夫詩間有所賦詠直寫其胸中之趣而不雕飾以求工亦不以示人也年八十有四以泰定二年正月二十七日卒於家臨終神色不變謂親友曰窮達禍福自有定分語訖而逝以三年十二月二十七日葬于崇德鄉繡湖西距家二十步而近君所自卜也娶湖之德清李氏觀文殿學士忠愍公若水世孫女先四十八年卒葬洪判塘山再娶同邑賈氏先八年卒與君合葬焉子男三人長祺為堂弟鑑後先三年死次祐為兄京後先四年死次祐賈氏出先十三年死于京師今祔葬君墓旁女一人適童祐知英德府必大之曾孫亦已卒孫男一人宗本君次男祐之子命為祐後而聘外孫女童氏為之婦曾孫男一人澹女一人君沒時宗甫

弱冠後二十有五年始克哀其遺事以告于潛而圖其不朽潛
生於宋亡之後猶及見昔之故家人物其處而不出者類皆以
時異事殊而有依隱玩世之心後生小子習而不察謹厚之風
日益以衰而君凝然居衆人之中未嘗有游言戲色竊敬慕焉
今觀密所述庶幾乎古之卓行君子者始愧向之知君者未深
也庸擬其可傳於後者序而銘之銘曰
清風喬木繡湖一曲生於此乎歌死於此乎哭所謂伊人其行
也獨表以石章有彝其伏篆刻惟新不知夫草之既宿

慈溪黃君墓誌銘

慈溪黃君卒于嘉興之寓舍其孤玠將返柩以葬來諭於潛曰
葬宜有銘敢以為請往者屬子銘吾母而子久未及為幸牽聯
書之潛之曾祖戶部公與君之大父宗卿府君同仕宋季風有

雅故而玠又與潛託文字交誼不得辭君諱正孫字長孺姓黃
氏世為明之慈溪縣人曾大父諱一鶚以子貴贈奉議郎大父
諱震擢寶祐丙辰進士第歷知撫州提舉江西浙東常平茶鹽
其在江西又嘗提點刑獄終於宗正少卿積階朝奉大夫父諱
祖勉蔭補將仕郎母林氏君生有美質雅志恬靜年十二而宋
亡即絕意於仕進父殿事母盡孝與仲父季父患難相從不異
貲產遠今雍睦馨已索嫁孤妹三人皇慶癸丑出遊西州玠負
笈以從嘉興縣東魏塘之上有義士吳君聞君父子名具幣馬
迎致之君欣然弗拒遂止居焉君履行端粹為學者所尊慕雅
不喜記誦辭章之習文成無留藁晚自號尚綱翁以見其志云
至正乙酉正月七日以疾卒享年八十有一屬續之夕戒其二
子曰吾祖一剖州符三持使節棠蔭葛越之衣菜茹魚鮭之食


澹素終身日抄等書今方盛行遺風餘祚彌久弗墜汝等善繼承之無忝為清白吏子孫言畢而逝珩奉柩東還卜以某月某日葬定海縣靈緒鄉翠山之西阜從先塋也君夫人陳氏諱潤字汝玉同郡奉化人父著宗卿府君同年進士由太學博士知台州公年二十出為贅婿居十有七年乃歸夫人於夫婦之間相成以道執箕帚侍巾櫛無違禮治絲繭縫衣裳無廢事主饋食共祭祀無曠典而又不憚劬勤致養于姑得其惟心詩書語孟及女誡女則等篇皆能成誦珩方幼口授以書程督嚴於外傳尤喜觀易所占多驗間作小詩亦有思致嘗為二子賦詩若干韻有關於倫紀可裨於治化學士大夫咸稱誦之君居魏塘之明年珩即奉夫人來就養以恭定丁卯十二月十日卒年六十有三天歷戊辰九月某日歸葬奉化州剡源之三石子男二



人長即珩次瑤女一人適戴幼儒故婺州路儒學教授帥初先生之子也孫男二人曾紹文女一人曾孫男一俊民惟宗卿府君以直道為時名臣而其學一本於躬行所著書不為空言以相高公親傳家學不自表襮而教其子珩克有成立遂以文名於一時世顧罕有能知君者銘不可以無作也銘曰
汲黯之直侃侃宗卿義方之訓聞孫是承戰兢自持以孝謹稱如萬石君不言躬行學以為已不近名遠爾嗣人復用文鳴發潛聞幽式鴻其聲惟石可久薦以茲銘



臨川李君墓誌銘



君姓李氏諱宗慶字可善其先自昇徙撫之南城後祈其地置金谿縣故又為金谿人曾祖昇祖彥誠父公縉母王氏而君章氏出也君幼孤從兄漕貢進士夔子撫而教之稍長能以勤儉


持其家待人咸有恩意時江南新附徭役無定法君周旋委曲
悉得其宜人莫不善其達於世故然性本疏直無鈞棘脂膏之
態見阿媚取容者深惡焉聞者莫敢愠有不說者亦弗顧也間
嘗卜居先塋之旁晚復歸治故廬而居之雖迫闌闌而有林壑
之趣暇日從容園池閒課家僮以樹藝畜牧暮還呼子若孫聚
語酒酣岸幘浩歌以自適君既老以家事付其子而諸孫亦頗
出頭角能以文學自見方將泊馬以休而遽以疾不起至元三
年十有一月甲子也享年七十有七明年二月壬寅葬永和鄉
之烏石崗娶余氏先十有五年卒合葬焉子男二人長日起蚤
世次日隆孫男二人敏敏而敏以君治命為日起後曾孫男二
人同罔女三人子友危君素與君同里閑而有通家之好敏又
受學於危君而辱交於予奉其父命以危君所述來謂銘按舊















祖也高祖諱祖尹贈承諱郎曾祖諱士龍
 以閭職歷知復賓廉雷四州積階武節郎
 馮公夢得所為墓誌祖諱逢辰考諱者老
 以從子為之後本生父願老亦國子免解
 少敦朴不務矯飾稍長受學于名師制行
 族姻里黨有恩平居足跡不履官府雖門
 將迎之禮惟謹與物接不為操切險刻恂
 加人樵兒牧豎或犯之終不與校州里之
 大德間用薦者補儒學官累遷處之石門
 生母老不赴母既歿衰哀故山絕意仕進
 惟知保其先廬而訓子孫扁所居曰肯堂
 十二月丙辰以疾卒享年六十有四娶王
 氏先七年卒子男三

人長觀次咸次興善蚤卒女三人適樓光大李巽亨吳文耀孫
男五人永文永慈永大永泰永恭女九人觀等卜以四年十一
月某日奉柩葬明義鄉雷州使君墓西北十里青山之原遵治
命也子與君家故為世姻咸又子妹婿屬為之銘不得辭初文
林君筮仕尉鄞端明殿學士薛公叔似實任簿領其歿于浙漕
父船官公已躋法從哀而銘其墓以長者稱焉馮公亦稱雷州
長者水必有本水必有源由君之著稱於人者徵之家世之懿
有自來哉序而銘諸爾予之私言也銘曰
古之長者倚萬石君名在史氏以孝謹聞惟君自持履水臨谷
一鄉之評史所不錄展也厚德有本有源千載所悲驥尾青雲
薦茲銘詩表厥封樹田惟長者劉君之墓

明善書院山長姜公墓誌銘







鼎尚書陳公存數薦其材皆不報入 皇朝遜迹弗仕自台

徙杭又徙鄞至君遜徙昌國其徙昌國也 知州李侯某實迎致

而俾五子師事之昌國固雲海島嶼之尤 賈絕者也君不以所

居所養易其素扁讀書之室曰敬齋以自 厲焉君卒以至順三

年十二月乙丑享年七十有一葬以元統 二年二月某日墓在


縣東隅郎家與雙鬃峯之南娶龐氏子男 四長即天禧次天祐

次天裕早世次天祺女二適陶昱應員孫 男二女四銘曰

姜氏之先維師尚父煌煌家謀遠有系 序于嗟乎君為位則卑

百世之祀匪君之私君雖不逮君多孫 子有隕自天將復其始

爰建碑號曰齊之姜表茲海隅式告勿 忘



金華黃先生文集卷三十六

黃先生文集卷三十六

五

